

刪

訂

唐

詩

解

樊桐說詩

刪訂唐詩解卷八

七言古詩三

雲間唐汝詢仲言選釋

同里吳昌祺綏齋評定 同學陳

懋寬敬敷

叅訂

謨友三

杜甫

飲中八仙歌

知章騎馬似乘船。眼花落井水底眠。

唐書賀知章字季真自號四明狂客

此如題跋各加二三

越絕書夫越以船為車以楫為馬本集注浙人不善騎

梁及漢時人語中脫出一法

馬杜蓋嘲之

梁簡文帝筆賦耳熱眼花之如鮑令暉詩

莫作灝

汝陽三斗始朝天道逢麴車口流涎恨不移封

一章實八  
章也。劉  
云不倫不  
理各極其  
平生極其  
醉趣。

向酒泉

唐書讓皇帝憲子璿封汝陽王唐史拾遺汝陽王醉不能下殿謝罪曰臣以三斗壯膽不覺至此

漢地理志酒泉郡武帝開師古曰俗傳城下有金泉泉味如酒

左相日興費萬錢飲

如長鯨吸百川銜盃樂聖稱避賢

唐書李適之恆山愍王孫也為左相與李

林甫不協以太子少保罷晉書何曾字穎考日食萬錢猶曰無下筋處宋華賦橫海之鯨突枕孤遊翕波則洪漣蹴踏吹澇則百川倒流孟啓本事詩李適之罷免為詩日避賢初罷相樂聖且銜盃

宗之瀟灑

美少年舉觴白眼望青天皎如玉樹臨風前

唐書崔日用封齊國

公子宗之襲封列子景公衆觴自罰晉書阮籍見禮俗之士以白眼對之世說毛曾與夏侯玄共坐時人謂兼

渡倚蘇晉長齋繡佛前醉中往往愛逃禪

唐書蘇珣子玉樹蘇晉長齋繡佛前醉中往往愛逃禪晉書進士歷

戶部侍郎本集注晉學浮屠術嘗得繡彌勒佛一本曰是佛好飲米汁正與吾性合彌勒佛即布袋和尚也常

前無總起  
後無總收  
一韻複出  
可謂橫絕  
蓋古人往  
往有創出  
者

於市中飲  
酒食猪頭  
李白一斗詩百篇  
長安市上酒家眠  
天子呼

來不上船  
自稱臣是酒中仙  
唐書白醉於市帝召入左

文范傳正白墓碑步宗洸自蓮池白被酒命高  
將軍扶以登舟一說蜀人謂衣領為船妄也  
張旭三

孟草聖傳脫帽露頂王公前  
揮毫落紙如雲烟  
唐書張旭吳人

每大醉乃下筆或以頭濡墨而書  
既醒自視以為神世

呼張顛王愔文章志張伯英草書韋仲將謂之草聖古

樂府脫帽著幘頭陸龜石闕銘穿胸露頂之豪  
焦遂五

高允徵士頌揮毫頌德江摠詩落紙波濤流  
焦遂五

斗方卓然高談雄辨驚四筵  
唐史拾遺焦遂口吃對客

射時日為酒吃江淹詩卓然陵風矯陸

機詩高談一何綺謝瞻詩四筵霑芳醴

知章之飲至於醉而墮井汝陽當入朝之際尚飲三

斗平居可知適之萬錢沽酒而一飲俱竭其他若崔

之貌蘇之禪李之詩張之草聖焦之高談皆任其性  
真托於酒以自見者子美咏之亦廢中權之義云

高都護驄馬行

唐書高仙芝高麗人善騎射  
夫蒙靈晉表為安西副都護

安西都護

古青驄聲價欵

呼勿切

然來向東此馬臨陣久

無敵與人一心成大功功成惠養隨所致飄飄遠自流

沙至雄姿未受伏櫪恩猛氣猶思戰場利

樂府蘇小小歌郎乘青驄

馬隋書吐谷渾有青海中有小山冬放牝馬得龍種嘗

生驄駒日行千里稱青海驄馬顏延之赭白馬賦聲價

隆振又曰欵聲擢以鴻驚法華經欵然火起史記項王

曰吾馬所當無敵赭白馬賦願終惠養蔭本枝今又弭

雄姿以奉引漢書馬不伏櫪不腕促蹄高如踣  
交河幾蹴層冰裂五花散作雲滿身萬里方看汗流血

解一心為  
同心亦是  
而思意言  
馴良之極  
便乘之者  
一心破敵  
不須一心  
以慮馬也  
此詩先  
起四句又  
原其初言  
此本言馬  
自西而來  
前此惠養

既成隨人所致既至於此則未受恩而已思戰但未知何日出橫門而成大功也唐解稍存。唐疑借說仙芝之不用然既稱都設則非不川矣蔡寬夫云齊梁以來樂府往往失命題之

長安壯兒不敢騎走過鞏電傾城知青絲絡頭爲君老

何由却出橫音門道相馬經馬腕欲促促則健蹄欲高

車師前國王治交河城楚詞增水峨峨天馬歌雷赤汗

今沫流赭漢書注應劭曰汗從前肩膊出如血一日千

里隋書長孫晟赤馬稱閃電舌樂府青絲繫馬尾黃金

絡馬頭三輔黃圖長安城北出西頭第一門曰橫門

言此馬所向無敵與人同心然當畜之有道隨惠養

所致以要其成蓋其初自遠而來未受恩而不忘戰

其才力文彩無所不備非尋常壯兒所能駕馭者觀

其走若飛電舉國知其神駿矣乃空老青絲無由出

橫門以期血戰爲可歎耳

### 兵車行

車麟麟馬蕭蕭行人弓箭各在腰耶娘妻子走相送塵

意少陵自出已意立埃不見咸陽橋牽衣頓足攔道哭哭聲直上千雲霄詩有

題略無蹈車麟麟又蕭蕭馬鳴公自注古樂府不聞耶娘哭子聲

但聞黃河之水流激激本集注咸陽橋即長安城外橋

古樂府兒女牽衣啼史記溫舒頓足而歎本集注天寶

十載募兵無應者楊國忠遣御史分捕繫送軍前父母

妻子哭聲振野道傍過者問行人行人但云點行頻或從十五

北防河便至四十西營田叶地去時里正與鬢頭歸來

頭白還一作戌邊叶必因切本集注點行者以丁籍點

本集注營田如漢趙充國獻營田之策無邊庭流血成

海水武皇開邊意未已君不見漢家山東二百州千村

萬落生荆杞縱有健婦把鋤犁禾生隴畝無東西况復

更誤

杜集本注

去因竟似

誤矣杭本

注謂河堤

寒外之河

北也蓋防

是咸陽之

防河曰北

言租稅無出者正言人皆從軍無農夫唐解恭。有鬼者古來白骨也

秦兵耐苦戰。被驅不異犬與雞。漢書武帝開置邊郡千道

凡三百一十一州。阮籍詩堂上生荆杞。樂府長者雖有

龍西行健婦持門戶。王粲詩相隨把鋤犁。西卒縣官急

問役夫敢申恨。且如今年冬未休關。一作

索租租稅從何出。信知生男惡反是。生女好生女猶得

嫁比鄰。生男埋沒隨百草。漢書注縣官謂天子不敢指斥謂之縣官。曹植詩萬里猶

比鄰。周禮五家為比。說文五家為鄰。君不見青海頭。古來白骨無人收。新

鬼煩冤舊鬼哭。天陰雨溼聲啾啾。唐書哥舒翰築神威軍於青海上吐蕃破

之更築於龍駒島以人二千戍之。左傳夏父弗忌曰吾見新鬼大故鬼小。鮑照詩煩冤難具論。

此因征吐蕃而言朝廷役使無休時既與防河營田之役復有開邊之舉使我白首不得息人血成海帝



心未厭也。今山東幾於無人。婦人耕作。男子橫戈。軍中復以強弱相交。見困尤甚。然關西之卒。未休退耕者。寡則輸賦之苦。甚於從軍矣。吾何樂乎有生哉。總之。暴骨青海。旁耳吁此。安史之亂。所由起也。

玄都壇寄元逸人

夢弼曰。玄都壇在長安南山子午谷中。

故人昔隱東蒙峰。已佩含景蒼精龍。故人今居子午谷。

獨在陰崖結茆屋。

地理志。東蒙山屬兗州。公孫端劍銘。含景吐商。春秋繁露。劍佩於左蒼龍。

佩劍者佩神仙所服之劍。以辟邪。亦設言也。

之象。長安志。王莽有意築漢通子午道。時名為子午谷。

一統志。子午谷在西安府城南一百里。潘岳西征賦。眺

華嶽之陰崖。韓非子。旄象

豹胎。必不食於茆屋之下。屋前太古玄都壇。青石漠漠

常風寒。子規夜啼山竹裂。王母晝下雲旗翻。

梁簡文帝詩。淇水漠

穆天子傳。中無自天。

漠苔浮。本集注。周穆王與王母會於瑤池。雲旗霓裳自天而下。

知君此計成長往。芝草

而丁等語  
蓋李杜詩  
注皆多杜  
撰也

簡而超鄉  
公所謂單  
椒秀絕不  
連丘陵以  
自高也

琅玕日應長。上聲銕鎖高垂不可攀。致身福地何蕭爽。史記

誰為此計者乎。漢武內傳王母曰太上之藥有廣庭芝草碧海琅玕道藏經晉時有成卒屯於于午谷入谷之西澗忽見銕鎖下垂約百有餘丈成卒欲挽引而上有虎踞焉。福地記終南山名曰福地

既隱東蒙又徙于午佩神劍居茆屋其間則有古壇風厲山鳥鳴悲而神仙紛然來集知君真欲長往不返而仙草瓊枝當日茂矣卽銕鎖難攀而君獨致身於此亦大蕭爽哉山竹摧裂謝以爲聲如裂竹非也

### 貧交行

翻手作雲覆手雨紛紛輕薄何須數君不見管鮑貧時

交此道今人棄如土。史記陸賈說尉陀曰越殺王降漢如反覆手耳後漢書宋弘曰臣聞

貧賤之交不可忘范

雲詩此道今已微

則丁等語

卷八

五

天地異色  
有起風之  
意也故波  
濤言堆堆  
者遠望漸  
高故入而  
益殊與雖  
高而憂亦  
不免也至  
於風既順  
而漸有佳  
致矣  
沉竿二句  
言值其深  
則投竿難  
及值其淺

漢陂行

長安志漢陂在鄠縣西

岑參兄弟皆好奇攜我遠來遊漢

音美

陂天地黯

音黯

慘忽

異色波濤萬頃堆琉璃琉璃汗漫泛舟入事殊興極憂

思集隨作鯨吞不復知惡風白浪何嗟及

繁欽箋兼愛好奇雖憐不

明貌世說叔度汪汪若萬頃之陂梁簡文帝詩池水淨琉璃淮南子徙倚於汗漫之宇國語秦泚舟於河詩何

嗟及主人錦帆相為開舟子喜甚無氛埃鳬鷺散亂棹

謳發絲管啁啾空翠來

陰鏗詩平湖錦帆張楚詞氛埃辟而清涼詩是鷺在河史記聚

散亂之兵禮記小者至於燕雀猶有啁啾之頃焉汪

啁與啾同沉竿續蔓深其測菱葉

荷花靜如拭宛在中流渤澥

胡買切

清下歸無極終南黑

則斐荷交映下歸無極言終南山影歸於水中解未合易之。製宛二字創疑有謬。○憂擊也。當是惜聲。呻吟之意。劉評咫尺句曰慘愴之容竊渺之思予謂人有其意而不能道

詩宛在水中央揚雄解勳游潯之鳥雍錄漢陂源出終南山半陂已南純浸山動影

裊窈冲融間船舷暝戛雲際寺水而月出藍田關本華賦冲

融混濛廣韻舩船邊也本集注雲際山名在鄠縣東南有大定寺一統志藍田關在西安府藍田縣東南九十

里此時驪龍亦吐珠馮夷擊鼓羣龍趨湘妃漢女出

歌舞金枝翠旗光有無莊子夫千金之珠必在驪龍頤下楚詞今游若舞馮夷注馮夷

水仙曹植洛神賦馮夷鳴鼓女媧清歌易見羣龍無首曹植洛神賦從南湘之二妃攜漢濱之游女漢禮樂志

金支秀華夏侯湛賦擢翠旗垂繁纓咫尺但愁雷雨至蒼茫不曉神靈意

少壯幾時奈老何向來哀樂何其多王傳天威不遠顏咫尺武帝秋

風詞歡樂極今哀情多少壯幾時今奈老何

○忽然而  
結更奇

笑元

垂老二句  
是頓挫處  
言吾自有  
覺思未免

言波間變態不常其始汎也天地改色波濤洶湧舟  
旣入於汗漫中則旣患鼉鯨又愁波浪已而進帆則  
水鳥翻飛歌管迭奏深可樂也於是引竿蔓賞菱荷  
水如渤澥影浸終南山影沉浮波間真奇絕也及登  
依寺以泊月自關而來此時驪龍吐珠水神遊戲又  
恐雷雨之來使我蒼茫莫曉樂極而哀生也一遊之  
頃而哀樂多端則百年中開口而笑  
者幾何時也奈何役役於塵網耶

### 蘇端薛復筵簡薛華醉歌

文章有神交有道端復得之名譽早愛客滿堂盡豪傑  
開筵上日思芳草安得健步移遠梅亂插繁花向晴昊  
千里猶殘舊冰雪百壺且試開懷抱垂老惡聞戰鼓悲  
急觴爲緩憂心擣少年努力縱談笑看我形容已枯槁

停杯也唐解

山東改東山本丹鉛

錄然惟東巡歌自比

謝安耳樂史之言無

據而舊隱山東有據

應以山東為正矣州

所謂升菴墨守長輪

一短也。一結出人

畫正月上日玉燭寶典正月一日為上日謝靈運詩急

觴盪幽默詩我心憂傷愁焉如擣舌樂府少壯不努力

史記優孟常座中薛華善醉歌歌辭自作風格老近來

以談笑諷諫

海內為長句汝與東山李白好何劉沈謝力未工才兼

鮑照愁絕倒諸生頗盡新知樂萬事終傷不自保錄丹鉛

白自號東山時人遂以東山李白稱之子美詩句正因

其自號而稱之耳南史何遜字仲言與劉孝綽並見重

時謂之何劉梁元帝云多而能者沈約少而能者謝朓

何遜沈約字休文善屬文當世取則謝朓字玄暉沈約

常云二百年來無此詩也鮑照字明遠鍾嶸詩品骨節

強於謝混驅邁疾於顏延晉書衛玠談道平子絕倒楚

詞樂莫樂氣酣日落西風來願吹野水添金盃如澠之

今新相知

酒常快意亦知窮愁安在哉忽憶雨時秋井塌古人白

意表單句  
竟佳妙

此處多一  
折剛之。  
子美最服  
明達吾意  
此句當言  
君詩能兼  
鮑照吾深  
愁為君而  
絕倒也。  
解如灑又  
多一折剛  
之  
此大禍也

骨生青苔如何不飲令心哀。  
左傳有酒如灑鮑照挽歌枯體依青苔

言文貴有神交以道合二君得此故豪傑皆從之遊  
元日開燕有尋芳之思雖無梅供賞而雪後攜壺亦  
足以舒懷抱矣我老遭亂離不覺觴之稍緩公等宜  
縱情談笑以我之枯槁為監也於是因薛華醉歌而  
言其風格堪與李白並驅若何劉沈謝則非君比矣  
即才如鮑照猶可兼之使心服也吾朝不謀夕安敢  
與公等頗頗但於氣酣日落愈加痛飲惟願吹水添  
盃如灑不竭則足以消巖愁矣又思所見白骨而感  
人生之必化曷為不飲而使此心哀傷乎

哀王孫

本集注元宗倉卒出延秋門諸嗣王及公主皆不及從其後多為祿山所屠

長安城頭頭白烏夜飛延秋門上呼又向人家啄大屋  
屋底達官走避古金鞭斷折音然九馬死骨肉不待同馳

故以諸怪起之升菴所引未必杜公意也。迷官即指天子猶縣官也唐分天子達官為二制之

驅楊升菴詩話三國典畧曰侯景篡位令飾朱雀門其日有白頭烏萬計集於門樓童謠曰白頭烏拂朱雀還與吳杜蓋以侯景比祿山也本集注延秋門京城西門更記高門大屋尊寵之禮記公之喪諸達官之長杖沈炯詩夾道躍金鞭腰下寶玦青珊瑚可憐王孫泣路隅問之不

肯道姓名但道困苦乞為奴已經百日竄荆棘身上無

有完肌膚

漢書陳平傳人疑其亡將腰下當有寶器金玉西京雜記趙飛燕女弟遺飛燕珊瑚玦

史記漂母曰吾哀王孫而進食張衡賦屍僵路隅便高記樂布為人所畧賣為奴於燕司馬遷書毀肌膚

帝子孫盡隆準龍種自與常人殊豺狼在邑龍在野王

孫善保千金軀

後漢書張綱曰豺狼當道安問狐狸不

敢長

去聲

語臨交衢且為王孫立斯須昨夜春風吹血腥

長作去聲則訓餘不



如從平心  
言賊載寶

東來橐駝滿舊都。朔方健兒好身手。昔何勇銳今何愚。

而去本無

嵇康詩楊氏歎交衢李陵詩且復立斯須山海經禹殺

遠圖而不

相柳其血腥史記何奴傳其奇畜則橐駝唐書賊陷兩

能擊其情

京以橐駝載禁府珍寶貯范陽唐書哥舒翰守潼關奔

歸以復京

甲奔山谷引數百騎絕河還營火拔歸仁等執以降賊

師故曰恩

唐書京師召募十萬號天武健兒竊聞太子已傳位聖德北服南單于

花門勞

反力私

面請雪耻慎勿出口他人狙

唐書天寶十

太子即皇帝位於靈武後漢書何奴真韃日逐王比自

立為南單于此云南單于指回紇也後漢耿秉傳匈奴

聞秉卒舉國號哭或至梨面流血注梨即勞字樂毅書

先王之報怨雪耻史記蘇秦曰願君慎勿出諸口史記

五陵佳氣

注狙伺

哀哉王孫慎勿疎五陵佳氣無時無

唐五陵高

正言天命

候也太宗葬昭陵高宗葬乾陵中宗葬定陵睿宗葬橋

不改太子

陵後漢光武紀望氣者白氣佳哉鬱鬱蔥蔥然

即常光復

陵後漢光武紀望氣者白氣佳哉鬱鬱蔥蔥然

唐謂王孫  
愿運典復  
又甚於太  
白之稱永  
王矣刪之

或子由曰  
哀江頭詩

篇如百金  
職馬注坡

蘇淵若履

平地予謂

至情所發

不求合節

而自中於

然也

明皇倉卒幸蜀王孫有不得從行者子美哀之言白  
鳥告裁天子出走至於鞭折馬死何暇待骨肉乎於  
是有佩寶珎而乞為奴者究竟王孫形貌人所易識  
可不善保其軀乎我且暫立而語以時事今素馳輪  
寶邊將束手然聞太子傳位回紇懷德則轉禍為福  
之時王孫切須謹言勿為間諜所覺也五陵佳氣無  
時不在蓋伎  
復不久矣

### 哀江頭

少陵野老吞聲哭春日潛行曲江曲江頭宮殿鎖千門

細柳新蒲為誰綠羅錄宣帝陵在杜陵縣許后葬杜陵南周謂之少陵杜甫家焉自稱杜陵

老亦曰少陵也元淹賦莫不飲恨而吞聲韓非子張孟

談曰臣請潛行而出見韓魏之君康駢闕譚錄曲江池

本秦隴州開元中疏鑿為妙境一統志曲江池

在西安府城東南一十里校乘賦吁嗟細柳憶昔霓

明皇時為  
荒淫而此  
處只是逆  
億昔時之  
盛故解多  
從剛

清渭二句  
言父子相  
隔也肅宗  
在靈武今  
慶陽府與  
渭水之源  
近渭白隄  
右至京而

旌下南苑苑中萬物生顏色昭陽殿裏第一人同輦隨  
君侍君側輦前才人帶弓箭白馬嚼嚙黃金勒翻身向  
天仰射雲一箭正墮雙飛翼高唐賦蛻為旌翠為蓋本集注唐曲池坊南有南苑  
昭陽殿第一人指楊貴妃也漢書成帝欲與班婕妤同  
輦唐制內宮才人七人何遜詩白馬黃金勒蘇耽歌翻  
身雲外潘岳射雉賦昔賈明眸皓齒今何在血污遊魂  
氏之如阜始解顏於一箭歸不得清渭東流劍閣深去住彼此無消息傅步歌明  
枝乘七發皓齒蛾眉易遊魂為變唐書安祿山反以誅  
國忠為名及西幸過馬嵬陳元禮等以天下計誅國忠  
已死軍不解曰禍本尚在帝不得已與妃訣引繯路祠  
下潘岳賦清渭濁湮蔡琰上苑去住兩情今難具陳  
人生有情淚沾臆江水江花豈終極黃昏古騎塵滿城

東不關劍閣解言相

通剛之

曲江如故

唐有荒廢

剛之

言巢父飄然入海山

澤杳冥陰

來愁慘織

女引之乃

得歸路非

其仙骨而

亦富貴者

欲往城南忘城北樂府拾得楊花淚沾臆曹植詩天

子美陷賊中感曲江而言吾吞聲以哭潛行至此則見宮門深鎖蒲柳含榮而已昔年遊幸之時旌旗南下苑物增輝楊妃同輦宮女騎射今安在哉天子播遷渭流劍閣彼此無聞矣洒淚情深江水江花何其無盡而畏塵埃之四塞使我惶遽而迷路耳

### 送孔巢父謝病歸遊江東兼呈李白

巢父掉頭不肯住東將入海隨烟霧詩卷長留天地間

釣竿欲拂珊瑚樹唐書孔巢父字弱翁隱徂來山永王

傳白客任城與孔巢父韓準裴政張叔明陶沔號竹溪

六逸莊子鴻蒙拊髀躍掉頭曰吾弗知南州異物志

大秦國有洲在漲海中洲有磐石珊瑚生於石上初生

怯弱國人載鉄網沒在水下一年便生網月中三年色

耶蔡殘饑

赤以欽鈔發其根絞車舉

深山大澤龍蛇遠春寒野陰

定使我快

網還若過時不繫便枯

然不知何

日得君書

風景暮

左傳叔向之母曰深山大澤實生龍蛇顏延之詩庭昏見野陰

蓬萊織女迴龍

不向疑龍

舊本作雲

車指點虛無引歸路自是君身有仙骨世人那得

蛇比巢父

玩蓬萊二句乃知其意唐以龍蛇比祿山

知其故惜君只欲苦死留富貴何如草頭露神仙傳王方平乘羽

延去之

明囊盛草頭蔡侯靜者意有餘清夜置酒臨前除罷琴

詩在未亂

惆悵月照席幾歲寄我空中書南尋禹穴見李白道甫

時兼呈李

問信今何如舊注靜乃蔡侯名謝靈運詩還得靜者便

白微其與

禹穴前漢書注禹巡狩至會稽而崩

孔同隱耶

因葬焉上有孔穴民間云禹入此穴

。靜者當

依謝詩

此詩四段  
每段十二  
句中多對

仗工麗處  
此殆開捷

音而偶作  
變調也○

祇殘者祇  
餘此地也

○注云崆  
峒有三按

詩意言雖  
喜皇威之

盛難忘播  
遷之辱三

年之久萬  
國皆兵亦

可提矣此

# 洗兵馬

公自注收  
京後作

中興諸將收山東捷書夜報清晝同河廣傳聞一葦過

古危命在破竹中祇殘鄴城不日得獨任朔方無限功

京師皆騎汗血馬回紇饒肉蒲萄宮已喜皇威清海岱

常思仙仗過崆峒三年笛裏關山月萬國兵前草木風

後漢明帝紀先帝受命中興詩誰謂河廣一葦杭之本

集注河廣指河北衛州時子儀破賊十萬於衛州獲安

慶緒弟慶和晉書杜預曰今兵威已振勢如破竹本集

注鄴城乃相州時安慶緒據相州王師圍之未下唐書

郭子儀為朔方節度使肅宗倚為本根更記以肉餽餓

虎何益漢書單于來朝舍之上林苑蒲萄宮唐地理志

京兆華原縣有蒲萄園宮潘岳賦曜我皇威書海岱惟

青州雍錄崆峒山在原州高平縣卽并頭山樂府解題

附詩書詩解

卷八

士

處一頓以  
下昂敘諸  
人之功注  
謂肅宗自  
靈武而西  
則所為何  
事唐又引  
廣成事謂  
當禮賢則  
三年二句  
何着且割  
以入下段  
則愈難合  
矣但親用  
頓自可了  
然故注解  
多刪

關山月傷  
別離也  
成王功大心轉小郭相謀深古來少司徒清

鑒懸明鏡尚書氣與秋天杳二三豪俊爲時出整頓乾

坤濟時了東走無復憶鱸魚南飛覺有安巢鳥青春復

隨冠冕入紫禁正耐烟花繞鶴駕通宵鳳輦備雞鳴問

寢龍樓曉唐書代宗諱豫肅宗長子封廣平郡王至德

賊克京城徙封成王又太子卽位靈武拜子儀兵部尚

書同中書門下平章事破賊進中書令又李光弼以兵

赴靈武賊攻好時光弼追敗之加檢校司徒又王思禮

戰數有功遷兵部尚書賜冠子德萬人者謂之雋德千

人者謂之豪史記宜整頓其士卒晉書張翰思吳中蓴

羹鱸魚膾風俗通黃帝始製冠冕列仙傳太子晉乘白

鶴故太子之駕曰鶴駕唐書制輦有七一日大鳳輦禮

記文王爲世子雞初鳴至於寢門外問安否何如漢書

龍鳳借得奇。西清詩話曰太白少陵當流離固蹟而語未嘗不高羅隱賈休雖得意於偏伯誇雖逞奇而意未嘗不卑  
唐以寸田尺宅為註未切寸地本買詭尺

成帝為太子出龍樓門不敢絕馳道注攀龍附鳳勢莫  
當天下盡化為侯王汝等豈知蒙帝力時來不得誇身  
強關中既畱蕭丞相幕下復用張子房張公一生江海  
客身長九尺鬚睂蒼微起適遇風雲會扶顛始知籌策  
良青袍白馬更何有後漢今周喜再昌楊子法言攀龍  
注京師既平以蕭華畱守以張綱為幕府叅謀按唐二  
史並無蕭華畱守之說當別有所指後漢李通傳通父  
守身長九尺容貌絕異孔叢子齊君之嬖臣美鬚眉王  
粲詩遭遇風雲會梁書侯景將為亂童謠曰青絲白馬  
壽陽來庾信賦青袍如草寸地尺天皆入貢奇祥異瑞爭來送不知  
何國致白環復道諸山得銀甕隱士休歌紫芝曲詞人



天或借天  
起或借人

五天

有此二語

方結得通

篇不然則

弱

唐解不便

盡刪畧去

數字

詩意只望

破賊休兵

唐亦太多

曲折消剛

解去聲撰河清頌田家望望惜雨乾布穀處處催春種淇

上健兒歸莫懶城南思婦愁多夢安得壯士挽天河淨

洗甲兵長不用帝王世紀西王母慕舜之德來獻白環

則銀甕出采書鮑照為河清頌本集注至德二年七月

黃河三十里清如井水四日而變蓋收京之祥也喬經

鴈鳩布穀也農事方起此鳥飛鳴於桑間李尤歌安

得壯士翻日車說苑武王伐紂大雨王曰天洗兵也

言諸將捷書連至夜與盡合乃知官軍渡河擊賊如

破竹鄰城不日可復諸將咸有功而子儀為多若回

紇助戰馬雷離宮亦有助焉既清海岱當過崆峒耳

海內困兵已久今賴諸豪俊克定之力使賢者無遺

志蒼生得安堵冠冕重整朝班人主復修子道矣彼

有功之臣咸被爵賞非能自致亦由帝力帝所用者

或畱守或參謀何減漢之人傑是以冠平而中興也

今四方入貢祥瑞爭來風雨調而民安其業矣然成

之而未善也

平子四愁

明達行路

難合而出

之亦神而

明之。以

非常之人

處至不堪

之境十載

而下如聞

其聲

起清絕

役未已室家怨思非燕安之秋也須  
滌蕩餘寇洗甲兵而不用乃可耳

乾元中寓居同谷縣作歌七首

唐地理志成  
州有同谷縣

有客有客字子美白頭亂

一作短

髮垂過耳歲拾橡栗隨

狙公天寒日暮山谷裏中原無書歸不得手脚凍皴

音親

皮肉死嗚呼一歌兮歌已哀悲風爲我從天來

詩有客  
有客亦

白其馬莊子狙公賦芋注芋山栗也一名橡註  
子晝拾橡栗暮栖木上不集注皴皮細起也

形槁天寒困於山谷蓋因中原擾亂而未  
可歸也哀歌而風起若有感於吾之情矣

其二

長鑣

仕衫切

長鑣白木柄我生托子以爲命黃精

一作無  
黃獨

苗山雪盛短衣數

入聲

挽不掩脛此時與子空歸來男呻

女吟四壁靜嗚呼二歌兮歌始放閭

一作鄰

里為我色惆

悵

玉篇鑣鑿也本草黃精延年不飢圖經黃精三月生苗史記叔孫通變其服服短衣

黃精難得短衣難掩則托命無由矣是以歌聲益放而閭里動色也

叔孫短衣武人之服公之短衣貧而無服也

其三

有弟有弟在遠方三人各瘦何人強生別展轉不相見

古塵暗天道路長東飛駕

古涯切

鵝後驚鵠安得送我置

汝旁嗚呼三歌兮歌三發汝歸何處收兄骨

本集注公四弟曰穎

日觀曰豐曰占各在他郡惟占從公入蜀後漢趙孝傳孝弟禮為餓賊所得孝自縛詣賊曰禮瘦不如孝肥賊

瘦同而不知何人稍勝恐有尤瘦者也妙甚

念妹如此  
真孝友之  
至情也

大驚並放之古樂府展轉不可見子虛賦弋白鵠連駕  
驚陶隱居本草野鷺大於雁似家蒼鷺謂之駕鷺詩有  
驚在梁爾雅鵠鴈鵠注今呼鵠鵠鵠夢弼取九  
頭之說非本意也左傳蹇叔曰余收爾骨焉  
久不相見道路梗塞吾不得隨飛鳥  
以依汝則汝從何地而收我骨哉

### 其四

有妹有妹在鍾離。良人早沒諸孤癡。長淮浪高蛟龍怒。  
十年不見來何時。扁舟欲往箭滿眼。杳杳南國多旌旗。  
嗚呼四歌兮歌四奏。林猿爲我啼清晝。唐地理志濠州鍾離郡有鍾離

縣左傳以此薨諸孤

古詩杳杳卽長暮

夫亡子愚恃兄弟耳。乃十年不見兵戈。  
又阻所以獨本夜啼爲我歌而晝啼也。

其五

四山多風溪水急寒雨颯颯枯樹濕黃蒿古城雲不開

白狐跳梁黃狐立我生胡為在窮谷中夜起坐萬感集

嗚呼五歌兮歌正長魂招不來歸故鄉楚詞風颯颯兮木蕭蕭蔡琰古

招之歸故鄉今魂往九尾造禹莊子東西跳梁不避高下陶隱居本草狐形

似狸而黃謝惠連詩窮谷是處晝中夜以與謝靈運詩萬感盈朝昏宋玉招魂魂兮歸來反故居些

此反語極奇風多雨晦妖獸跳梁天乃置我於此是以萬感交集覺魂去而不返耳

其六

南有龍兮在山湫即秋反古木龍力孔反挺音聰枝相樛木葉

龍曰南者常陽之義

我生句所謂含意俱未申者也○招魂本招之歸故鄉今魂往故鄉而不

劉以為願  
車駕反正  
之詞不若  
此之精確

促銷悲歌  
雲低未立

黃落龍正蟄。蝮蛇東來水上遊。我行怪此安敢出。拔劍

欲斬且復休。嗚呼六歌兮。歌思遲。溪壑為我迴。春姿

楚詞

山氣龍從兮。石差義毛萇詩傳木曲曰樛。楚詞洞庭波。今木葉下。禮記草木黃落。易龍蛇之蟄以存身也。爾隱居本草。蝮蛇毒最烈。更記高祖拔劍擊斬蛇。

按乾元二年史思明反。宦者魚朝恩等用事故。以龍處山湫。古木掩覆。為比。蝮蛇得志。以比思明承間而取河北也。吾雖欲靖此難。而素無其權。安得赫然發憤如龍之起蟄。使谿壑頓還春色乎。或以玄宗幸蜀。故曰南按作詩之時。上皇已居南內矣。

### 其七

男兒生不成。名身已老。三十一作。年飢走荒山。道長安鄉。

前六解刪  
此解牛易

越王亦可  
得無當時  
誤傳為越  
王所作而  
作者因之  
耶

相多少年富貴應須致身早。山中儒生舊相識。但話宿  
昔傷懷抱。嗚呼七歌兮。悄終曲。仰視皇天白日速。左傳

見子產如  
舊相識

言我少不成名老而飢困彼少年卿相可謂智矣與  
人話舊能不傷懷所以曲終而覺白日之速若迫我  
以崦嵫之恨也

越王樓歌

本集注王洙曰越王太宗之子貞也中  
宗時為綿州刺史黃鶴曰越王貞未嘗

刺綿州且顯慶乃高宗年號今詳君王句意中  
宗或落宗會受此封及刺此州蓋史失書也

綿州州府何磊落顯慶年中越王作孤城西北起高樓

碧瓦朱甍

莫更切

照城郭樓下長江百丈清山頭落日半

輪明君王舊跡今人賞轉見千秋萬古情

唐地理志綿州巴西郡屬

劍南道

潘岳賦磊落蔓衍乎其側古詩西北有

高樓神仙傳

碧瓦鱗差沈佺期詩紅日照朱甍

言越王去世未久而其舊跡即為今人所賞則知萬古皆如是也侈靡者可無戒與

陪王侍御同登東山最高頂宴姚通泉晚攜酒泛

江

地理志梓州通泉縣去縣十五里有佳山水

姚公美政誰與儔不減昔時陳太丘邑中上客有杜史

多暇日陪驄馬遊

楚詞既莫足與為美政後漢書陳寔字仲弓除太丘長修德清淨百姓以

安列仙傳

老子為周柱下史後漢書

桓典拜侍御史常乘驄馬京師畏憚東山高頂羅珍羞

下顧城郭消我憂清江白日落欲盡復攜美人登綵舟

詩自爽勵然在杜公則未為極筆



笛聲憤怨哀中流妙舞逶迤夜未休燈前往往大魚出

聽曲低昂如有求

梁簡文帝詩澄江驚綵舟漢書職士憤怨荀子勢巴鼓瑟而游魚出聽傳

少詩北斗忽低昂體記如有求而弗得

三更風起寒浪湧取樂喧呼覺船

重滿空星河光破碎四座賓客色不動請公臨深莫相

違迴船罷酒上馬歸人生歡會豈有極無使霜露霑人

衣

晉書謝安嘗泛海風起浪湧吟嘯自若西京賦取樂今日後漢鮑期傳百姓誼呼滿道沈約詩惟星河猶

可識吏記上起去罷酒謝莊

賦佳期可以還微霜霑人衣

言姚之宰邑政清而多暇得以陪柱史之遊也晝而登高暮而臨泛其聲樂淒清足使遊魚出聽至浪驚星動而客猶忘還也公雖不畏臨深之險而亦勿違此語上馬而歸乎蓋歡不可極無使霜露霑衣則庶

幾好樂  
無荒矣

短歌行贈王郎司直

唐百官志司直掌糾劾官僚

唐解全作王郎語以求句為答劉以上五句為王語下五句為杜語皆非也詩言子勿哀歌我

王郎酒酣拔劍斫地歌莫哀我能拔爾抑塞磊落之奇

句為王語下五句為杜語皆非也詩言子勿哀歌我

才。豫。樟。翻。風。白。日。動。鯨。魚。跋。浪。滄。溟。開。且。脫。劍。佩。休。排。

杜語皆非也詩言子勿哀歌我

御後漢齊武王傳將軍張邕拔劍擊地更記公孫鞅有奇才僅賈新語梗枻豫樟天下之名木平今注鯨魚

能識子子如大木神

大者長千里鼓浪成雷王筠詩達跡人滄溟西得諸侯棹錦水欲向何門覲

先答

珠履仲宣樓頭春色一作深青眼高歌望吾子眼

切

中之人吾老矣一統志汶江濯錦鮮明故又名錦江說文跋進足也史記春申君上客皆躡珠

飲也我將

履盛弘之荊州記當陽縣城樓王仲宣登之而作賦晉書阮籍能為青白眼嵇康賣酒挾琴造焉籍見青眼陸

入蜀未卜

刑訂唐詩解

卷八

七

所投樓頭

雲詩彷彿

相與意屬

眼中人

於子願為

言王郎酒酣而歌曰爾莫哀也我能拔爾爾之木如

蜀道主人

豫樟鯨魚超拔羣類且當脫去劍佩而無遲疑也他

以客我我

日我得為蜀郡諸侯君欲為何門之客乎昔仲宣依

年已老望

蜀而吾亦望子之來也於是答之曰君言雖如此然

之迫矣唐

眼中之人惟我最老無能為矣

謂王欲收

眼中之人惟我最老無能為矣

公於門下

韋諷錄事宅觀曹將軍畫馬圖引本集注韋諷居

然司直官

在成都時為閬

際又相遇

州錄事曹

於楚豈能

將軍名霸

收公者存

國初已來畫鞍馬神妙獨數江都王將軍得名三十載

其略以備

人問又見真乘黃孔臧賦惟萬物之自然固神妙之不

泰

如名畫記江都王緒霍王元軌之子

此種詩只

竹書紀年帝舜元會貌莫角切先帝照夜白龍池十日飛

是平常說

年出乘黃之馬

去却加天

會貌莫角切先帝照夜白龍池十日飛

馬行空神  
龍戲海昌  
黎所謂水  
大而物浮  
者耶

霹靂內府殷

衣山切

紅馬璫盤婕

音好音

傳詔才人索

所

切

盤賜將軍拜舞歸輕統細綺相追飛貴戚權門得筆

跡始覺屏障生光輝

本集注明皇有馬名照夜白唐會要明皇居興慶里宅有龍池湧出

史記糧食竭於內府唐書裴行儉平都支遮旬獲瑪瑙

盤廣二尺文彩粲然漢書婕妤位視上卿吳越春秋羣

臣拜舞天顏舒劉鐸詩坐見輕統細漢書

息夫躬趨權門為名古樂府萬物生光輝

昔日太宗拳

毛騶

胡華切

近時郭家師子花今之新圖有二馬復令識

者久歎嗟此皆騎戰一敵萬縞素漠漠開風沙

舊注太宗有六

駿其一曰拳毛騶郭子儀收復京師代宗以九花虬賜

之一名師子驤六韜以車與騎戰史記夫為天下除殘

賊宜縞其餘七疋亦殊絕迥若寒空動烟雪霜蹄蹴踏

素為資

或為予言  
傲樹多利

人不取近  
而其藥絕

翠乃知古

人以微分

道使馬不

敢邪行而

又美觀也

此說古人

未有官之

者

獻寶借言

西幸。劉

云長篇意

外沉痛矣

長楸間馬官廐養森成列可憐九馬爭神駿顧視清高

氣深穩借問苦心愛者誰後有韋諷前支遁漢書寵愛殊絕莊子

馬蹄可以踐霜雪維摩經龍象蹴踏非驢所堪曹植詩

走馬長楸間史記趙有廐養卒韋昭曰折薪為廐坎烹

為養左傳不鼓不成列高士傳鄭樸修道靜默世服

其清高世說支道林常養數匹馬曰貧道重其神駿憶

昔巡幸新豐宮翠華拂天來向東騰驤磊落三萬疋皆

與此圖筋骨同唐地理志京兆府昭應縣本新豐有溫泉宮更曰華清宮上林賦建翠華之旗

東都賦旌旗拂天西京賦乃奮翊而騰驤文選注磊落

衆多貌蕭子顯詩漢馬三萬疋舊唐書王毛仲扈從東

封以諸牧馬數萬疋從列子伯自從獻寶朝河宗無復

樂曰良馬可形容筋骨相也

射蛟江水中君不見金粟堆前松栢裏龍媒去盡鳥呼

絕

三十年言  
得名之久  
唐解刪  
予意統綺  
相迫謂天  
子既賜於  
是人爭求  
蕭而統綺  
悉集也  
顧自言馬  
之顧盼唐  
解刪

風。穆天子傳天子西征至河伯無夷之所都是惟河宗氏天子授河宗璧河宗伯天受璧西向沉璧於河已

未天子大朝於黃之山觀天子之珩器漢書武帝元封五年自潯陽浮江親射蛟江中獲之長安志明皇見金粟山有龍蟠虎踞之勢謂侍臣曰吾千秋萬歲後葬此漢書天馬徠龍之媒楚詞遵壘莽以呼風

言畫馬者江都入神曹霸傲之三十年來名馬共見天子嘗使圖照夜白能感龍雷天子賜以瑪瑙盤而復有統綺追隨其後恩寵渥矣山是權貴之家爭寶其肅而牽毛師子之為盡入章諷圖中縞素間猶漠然有冒觸風沙之狀其餘亦迥如烟雪而在傍之人靡不克肖焉此九馬皆有清高深穩之氣而能深愛之者惟韋諷遠同支公焉因想明皇巡幸與此圖同類者多至三萬及帝晏駕無復有射蛟之遊今蕭蕭松栢間龍媒無存但聞野鳥而已蓋馬為行軍所急故因圖而慨及國運也

丹青引贈曹將軍霸

劉云起初  
微昂擢慨

○縱橫跌  
宕如淮陰

將兵古今  
罕匹

李夫人姓  
衛名鑠見

書品其自  
稱弟子衛

金婦人不  
稱名而稱

氏也  
南燕必當

時有此殿  
名

將軍魏武之子孫於今為庶為清門英雄割據雖已矣

文采風流今尚存學書初學衛夫人但恨無過王右軍

丹青不知老將至富貴於我如浮雲本集注霸乃操之後文宗末年削藉

為庶人左傳三后之姓於今為庶人物志歌之特者為

雄草之秀者為英漢書割據山河後漢書世之所謂名

士者其風流可知矣本集注晉李夫人名衛善書嘗云

有一弟子王逸少用筆咄咄逼人晉書王羲之字逸少

為右軍開元之中常引見承恩數上南薰殿凌烟功臣

少顏色將軍下筆開生面良相頭上進賢冠猛將腰間

大羽箭褒公鄂公毛髮動英姿颯爽來酣戰漢書引見

白虎殿家語舜造南風之詩曰南風之薰兮唐畫太宗圖功臣於凌烟閣漢書賈捐之傳君房下筆言語妙天下左傳先

此公自為  
寫照也惟  
其慘淡乃  
可一空千  
古。古詩  
淺立經營  
中

軫入狄師死焉狄人歸其元而如生更記國亂則思良  
相後漢興服志進賢冠古細布冠也更記黥布天下猛  
將也本集注太宗嘗自製長弓大羽箭唐畫段志少封  
褒國公尉遲敬德名恭封鄂國公淮南子疾風教木而  
不能拔毛髮後漢馬武傳論英姿茂  
績委而不川韓非子楚師酣戰之時先帝天馬玉花驄  
畫工如山貌不同是日牽來赤墀下迴立閭闔生長風  
詔謂將軍拂絹素意匠慘淡經營中斯須九重真龍出  
一洗萬古凡馬空明皇雜錄上乘照夜白玉花驄沈約  
堋青瑱淮南子排闥闔許慎曰閨闔始升天之門也陸  
機文賦意司契而為匠歷代畫品謂畫有六法五曰經  
營位置論衡楚葉公  
好龍真龍聞而下之玉花却在御榻上榻上庭前屹相  
向至尊含笑催賜金圍人太僕皆惆悵弟子韓幹早入



幹且如此  
相馬當安  
得不失之  
瘦乎

忽借他人  
酒杯澆胸  
中磊塊不  
知所得孰  
多也

室亦能畫馬窮殊相幹惟畫肉不畫骨忍使驂驪氣凋

喪周禮圉人掌養馬漢書百官表太僕秦官掌輿馬不

府集注韓幹大梁人王右丞維見其畫推獎之官至太

如入室矣漢書造父得驂驪綠耳之乘陸機詩舊齒皆

喪將軍善畫蓋有神必逢佳士亦寫真卽今漂泊干戈

際屢貌明各切尋常行路人途窮反遭俗眼白世上未有

如公貧但看古來盛名下終日坎壈纏其身唐書閑立

真十八學士圖乃立本之跡蘇武詩誰爲行路人顏延

之詩途窮能無慟後漢黃瓊傳盛名之下其實難副楚

詞坎壈兮貧士失職而志不平注坎壈不平也

言將軍雖爲庶人而門第猶高卽操之英風已泯其

遺韻尚有存者始學書而以及不及右軍爲恨去而學

此下有抑  
體一章移  
第二十卷  
中

此必不敢  
言而以度  
詞出之故  
反不足為  
佳。鴻飛  
二句即望  
八荒之所  
見。言賢人  
肥遁風景  
蕭條也。

嵩遂終身耽好及天子召之重肅凌烟而褒鄂咸有  
酬戰之容焉至於玉花之馮肅工莫能肖而霸之圖  
成與真無二圉人太僕咸美其賜金雖入室弟子終  
不若將軍之神妙也霸又為人寫真必求佳士今圖  
常人而反以白眼相視豈不可傷然古來盛  
名之下鮮不坎廩君之竊途正以盛名耳

### 寄韓諫議注

今我不樂思岳陽身欲奮飛病在床美人娟娟隔秋水

濯足洞庭望八荒鴻飛冥冥日月白青楓葉赤天雨

去聲

霜詩今我不樂日月其除地理志岳州在岳之陽故曰

岳陽詩不能奮飛鮑照詩娟娟似蛾眉賈誼論并吞

八荒之心楊子法言鴻飛冥冥弋人何慕焉謝玉京羣

靈運詩曉霜楓葉丹鮑照詩北風驅雁天雨霜玉京羣

帝集北斗或騎麒麟翳鳳凰芙蓉旌旗烟霧樂影動倒

吳韓旌旗  
當星旌旗  
之發越如  
蓮花也  
樂諸本誤  
作落

證疑當作  
改  
南方有楓  
香樹十洲

景搖瀟湘

五星經天上白玉京黃金闕山海經羣帝是

因以為臺晉天文志北斗在太微北七政之

樞機號令之主

集仙傳天人皆乘麒麟鳳凰龍鶴

大鳥韻畧翳蔽也羽葆也漢書音義倒景日在下星宮

之君醉瓊漿羽人稀少不在傍似聞昨者赤松子恐是

漢代韓張良昔隨劉氏定長安帷幄未改神慘傷招魂

既陳有瓊漿些楚詞仍羽人於丹丘史記張良勸上曰

關中左殺函右隴蜀天府之國也高帝即日駕西都關

中又雷侯曰願弄人間事從赤松子國家成敗吾豈敢

遊呂后紀非劉氏而王天下共擊之

色難腥腐食楓香周南畱滯古莫惜南極老人應壽昌

美人胡為隔秋水焉得置之貢玉堂神仙傳壺公數試

費長房繼令噉潤臭惡非常長房色難之鮑照升天行何時與爾曹啄腐

共吞腥史乘直曰佛書云凡諸所歟楓與否等意者社

記返魂樹  
香似楓  
尋帝武指  
四方節度  
或指四方  
賢才唐況  
吐蕃剛之  
成敗豈  
敢者豈敢  
不知也雷  
滯莫惜者  
弗自惜其  
淪落也即  
說諫議唐  
解多所可  
商詳訂之

川此史記太史公雷滯周南春秋元命苞老人星見則主壽昌

韓注疑為諫議而不用退居洞庭子美在夔而有是  
寄也言我慕韓而起岳陽之思病未能也今若人方  
濯足洞庭而意在八荒之表但見飛鴻潛隱楓葉凋  
殘也今四方之帝自玉京而集北斗乘麟鳳建旌旗  
乃北斗之君酣飲而傍無羽人之佐是豈當世果無  
人哉聞有欲為赤松者當是欲如漢之張良定漢之  
後便不樂於帷幄非曰國家成敗不關其心亦厭世  
之腥腐而欲食椒香以延年耳然雷滯周南古之所  
惜而君弗為之君如南極老人出則天下壽昌豈可  
潛光匿采乎我願貢君於玉堂以成雷侯之功也

觀公孫大娘弟子舞劍器行

并序

大曆三年十月十九日夔州別駕元特宅見臨穎李  
十二娘舞劍器壯其蔚跂問其所師曰余公孫大娘

有醉匪脫  
許那舞名  
也每見引  
用者以渾  
脫劍瀉為  
句殊堪捧  
腹教坊供  
奉之下獨  
加徽號豈  
有過世  
又唐段安  
節樂府雜  
錄劍器亦  
舞名意即  
指此耳  
始非後人

弟子也開元三載余尚童稚記於郾城觀公孫氏舞  
劍器渾脫瀏漓頓挫獨出冠時自高頭宜春梨園二  
伎坊內人洎出供奉曉是舞者聖文神武皇帝初公  
孫一人而已玉貌繡衣况予白首今茲弟子亦匪盛  
顏既辨其由來知波瀾莫二撫事慷慨聊為劍器行  
昔者吳人張旭善草書書帖數常於鄴縣見公孫大  
娘舞西河劍器自此草書長進豪蕩感激即公孫可  
知矣

昔有佳人公孫氏一舞劍器動四方觀者如山色沮喪

可到

雷之方收

雷之方收

雷之方收

聲最是

絕轉筆亦勁

天地為之久低昂燿希角切如羿射九日落矯如羣帝驂

龍翔來如雷霆收震怒罷如江海凝清光禮記孔子射於矍相之圃

蓋觀者如堵牆淮南子堯時十日並出命羿仰射中其九日九鳥皆死如震如怒絳唇朱袖兩

寂寞晚有弟子傳芬芳臨穎美人在白帝妙舞此曲神

揚揚與余問答既有以感時撫事增惋傷鮑照賦玉貌終唐唐地理

志許州穎川郡有臨穎縣元和志白帝即夔州城初公孫述殿前井有白龍出因號曰白帝山更記信陵君不

耻下交先帝侍女八千人公孫劍器初第一五十年間

有以也

似反掌風塵瀕何貢切洞昏王室梨園弟子散如烟女樂

餘姿映寒日金粟堆南木已拱瞿塘石城草蕭瑟玳筵

月

管子 虞至  
慘難如斯  
管氏斷開  
者自不無  
也

公稱鴻漸  
為族父故

急管曲復終樂極哀來月東出老夫不知其所往足繭

荒山轉愁疾史記公孫弘對為第一淮南子未有天地之時鴻蒙溟洞唐書玄宗選坐部伎子弟

三百教於梨園號皇帝梨園弟子宮女數百亦為梨園

弟子傳玄詩傾亞有餘姿左傳爾墓之木拱矣一統志

夔州瞿唐峽在府城東漢書石城十仞舌樂府玳筵歡

趣密鮑照白紵歌催絃急管為君舞史記淳于髡曰酒

極則亂樂極則悲詩老夫灌漑楚詞迷不知

吾所如國策足重繭百目而舍注繭足眠也

言公孫之舞劒器奇倬如此今其弟子傳其餘芬以

舞於白帝我遂與談往事而興感也昔先帝侍女公

孫為首古塵犯闕諸樂星散陵間之木已拱城市之

草常深當此酒闌曲罷之時正我樂往哀來之際雖

有明月猶迷其歸路而老病彌添耳

折檻行唐杜鴻漸傳崔肝殺郭英乂于成都命鴻漸鎮之鴻漸憚肝許以不死薦為成都尹

亦無不可  
在右丞則  
前誤衛青  
此又誤垂  
楊渙

對仗太多  
而不能學  
杜者宜以  
右丞常侍  
為法

種先生柳蒼茫古木連窮巷遶落寒山對虛牖誓令疎

勒出飛泉不似潁川空使酒

魏文帝詩并置勿復陸孔  
熹詩一以衰朽至帝下世

紀帝羿與吳賀北遊賀使羿射雀日射其左目羿中右  
目抑首而愧終身不忘鮑照詩驚雀無全目莊子支離

叔與滑介叔觀於冥伯之丘俄而柳生其左肘林希逸  
注柳蕩也右丞改作垂楊當另有解陶潛五柳先生傳

先生不知何許人也宅邊有五柳樹因以為號焉宋玉  
賦起於窮巷之間世說江山遶落居然有萬里之勢

慧淨詩落照侵虛牖後漢書耿恭以疏勒城傍有澗水  
引兵據之匈奴擁絕澗水恭穿井不得水向井再拜水

泉奔出唐書疏勒距京師九千里  
史記灌夫穎陰人為入剛直使酒賀蘭山下陣如雲羽

檄交馳日夕聞節使三河募年少詔書五道出將軍試

拂鍔衣如雪色聊持寶劍動星文願得燕弓射天將耻



令越甲鳴吾君莫嫌舊日雲中守猶堪一戰立功勳

陽

圖經賀蘭山草多遙望青白如駁北人呼駁馬為賀蘭  
一統志賀蘭山在寧夏衛城西六十里天官書陣雲如  
立垣漢書軍書交馳而輻輳羽檄重迹而狎至通典朔  
方有寇戎之地加以旌節謂之節度使史記唐人都河  
東殷人都河內周人都河南三河在天下之中漢書五  
將軍分道出注祁連將軍田廣明蒲類將軍趙充國武  
牙將軍田順度遠將軍范明友前將軍韓增樂府木蘭  
詞寒光照鐵衣越絕書薛燭取純鉤觀其鉞爛如列星  
之行周禮燕之角注角弓出幽燕說苑趙甲至齊雍門  
子秋請死之曰昔王田於囿左轂鳴王曰工師之罪也  
車右曰不見工師之乘而見其鳴吾君也刎頸而死今  
越甲至其鳴吾君豈左轂之下哉遂刎頸而死史記馮  
唐曰臣聞魏尚為雲中守匈奴遠遁二近雲中之上雖  
功首虜差六級陛下下之吏削其爵山北言之陛下雖  
得廉頗李牧弗能用也文帝令唐持節赦魏尚  
復為雲中守括地志今大同府古雲中郡也

鐵蒺藜馬之所畏以此視句不可以自況也。刪之。以精忠解疎勒句最是。此種不爲李杜而自悲歌。慨老將不封。恐不當以子卿自擬。

摩詰末冠擢進士第一。歷三十年而官不顯。祿山之亂。以罪廢。故爲老將之辭。以自況也。言我少時驍勇。絕倫。常轉鬪千里。以寡敵衆。乃他人以天幸而封我。以數奇而屈棄。置以來年已衰暮。無全目者。如生其肘。賣瓜種柳。落莫殆甚。然精忠猶存。非酒徒也。近聞羽書幅綈。募兵命將。於是拂甲援劍。頓破敵而捐身焉。倘朝廷不棄雲中之守。不敢以衰老辭矣。史稱右丞晚年長齋奉佛。然宦興亦自不淺。

### 隴頭吟

長安少年游俠客。夜上戍樓看太白。隴頭明月迴臨關。隴上行人夜吹笛。關西老將不勝愁。駐馬聽之雙淚流。身經大小百餘戰。麾下偏裨萬戶侯。蘇武纔爲典屬國。節旄空盡海西頭。

庚信詩。戍樓侵嶺路。天官書。察日行以處位。太白注。索隱曰。太白晨出東。

刪訂唐詩解

卷九

三

○高本迴  
臨關作尚  
臨關案盡  
作空落似  
此本為佳

此借少年  
入手不必  
是微戒少  
年

方曰啓明故察日行以處太白之位正義曰太白大將  
軍之象也後漢書關西出將關東出相史記吳王濞問  
計諸老將又蕭相國世家功臣皆曰臣等多者百餘戰  
又項羽紀麾下壯士騎從者八百餘人漢書韓昌為偏  
裨史記大將軍青校尉裨將侯者九人又李廣傳文帝  
曰子當高帝時萬戶侯豈足道哉漢書蘇武仗漢節收  
羊臥起操持節旄盡落始元六年至京師拜為典屬  
國師古曰典屬國木秦官漢因之掌歸義蠻夷  
太自主兵少年觀之以候邊釁然當此月明之夜乃  
有老將聞笛而泣者自言百戰而功不錄麾下或取  
封侯已獨受蘇武之薄賞則向之勤勞奚益哉彼少年慎毋沾沾為也

夷門歌

史記太史公曰吾過大梁之墟求問  
其所謂夷門夷門者城之東門也

七國雄雌猶未分攻城殺將何紛紛秦兵益圍邯鄲急  
魏王不救平原君公子為嬴停駟馬執轡愈恭意愈下

本言侯而  
兼及朱者  
重朱正以  
重侯也。  
結有含蓄

亥爲屠肆鼓刀人。羸乃夷門抱關者。非但慷慨獻奇謀。  
意氣兼將身命酬。向風刎頸送公子。七十老翁何所求。

東都賦七雄並爭。史記齊秦燕韓之國也。又秦急圍邯鄲。平原君甚患之。又信陵君傳公子從車騎自迎侯生。侯生上坐不讓公子執轡。愈恭。侯生曰。臣有客在市屠中。公子引車入市。侯生下見其客朱亥。乃謝客就車。至家。公子引侯生坐上坐。秦圍邯鄲。魏王使晉鄙救趙。留軍壁邯鄲。公子見侯生。侯生曰。晉鄙兵符在王以內。如姬能竊之。公子從其計。生曰。朱亥可俱。公子請亥笑曰。臣乃鼓刀屠者。而公子親存之。此臣效命之秋也。侯生日。臣請北鄉自剄。以送公子。公子至邯鄲。代晉鄙。鄙疑之。朱亥袖鉄椎椎殺鄙。公子遂救邯鄲。存趙。侯生果北鄉自剄。又魏無知曰。臣進奇謀之士。崔駰詩。壯士激兮忘身命。晉段灼上書理鄧艾曰。七十老公復何所求哉。當時貴人無真好士者。故言刎頸之老翁。豈有求而爲之耶。特以禮遇之隆。遂至捐軀也。

答張五弟

終南有茅屋。前對終南山。終年無客常閉關。終日無心

灑酒無塵

長自閒。不妨飲酒復垂釣。君但能來相往還。括地志終南一名太

乙一名地肺易先

王以至目閉關

言幽居閒逸飲酒垂釣無所不可但恐牽於俗累不肯來耳

同崔傅答賢弟

洛陽才子姑蘇客。桂苑殊非故鄉陌。九江楓樹幾回青。

一片揚州五湖白。潘岳賦賈生洛陽才子史記趙伐吳敗之姑蘇吳都賦注吳王夫差有

桂苑謝朓詩如何故鄉陌書九江孔殷周禮揚州揚州具浸五湖一統志虞翻云水通五道謂之五湖

對仗之中  
自多跌宕  
起四句  
言君本洛  
陽今留桂  
苑其居九

江者數年而今乃攬太湖之勝也揚州四句又加三地而道不順詳排之乃言君前到揚州以其有兵故南下蘭陵亦嘗往富春亦嘗往金陵而卒與吳人交歡歌舞書奕以相娛也因置金

時有下江兵蘭陵鎮前吹笛聲夜火人跡富春郭秋風鶴唳石頭城漢書南郡張勳等起雲杜綠林號曰下江兵隋書蘭陵郡開皇初廢改爲蘭陵向秀思舊賦序荆人有吹笛者謝靈運詩旦及富春郭晉書陸機曰華亭鶴唳豈可復聞乎吳志孫權治建業作石頭城二里志應天府在石頭城西二里周郎陸弟爲儔侶對舞前溪歌白紵曲凡書畱小史家草堂基賭山陰野吳志周十四吳中皆呼爲周郎又陸遜破曹上與羣僚大會酒酣命遜舞宋書前溪舞歌者晉車騎將軍沈玩所制樂府解題前溪舞曲也宋武帝與羣臣會於此爲白苧之舞也晉書王羲之嘗詣門生家見棊八滑淨因書真草相半其父悞刮去門生驚懊累日顧信詩自然曲木几周禮小史掌邦國之志晉書謝安命駕出遊與女圍棊賭別墅衣冠若話外臺臣先數

刪訂唐詩解

卷九

五

陵于蘭陵  
富春之後

故急切難

將手。詩

蘭陵當是

常州註引

鄆州乃究

州之嶧縣

雙樹佛臥

病幻化處

後人借以

言寺而此

詩似但言

林木。泥

夫君席上珍更聞臺閣求三語遙想風流第一人。晉書

尚書為中臺御史為憲臺謁者為外臺是為三臺。楚詞

思夫君今歎息禮記儒有席上之珍以待聘後漢書即

中馬融宜在臺閣晉書阮瞻見王戎戎問曰聖人貴名

教老莊明自然其旨同異瞻曰將毋同戎即辟之時人

謂之三語掾孫綽賦何肯遙想而存

之南史謝晦鯉風流為江左第一

崔傳與弟疑洛陽人而宦遊吳越故歷敘所經之地

所見之景所交之人所善之技見其風流第一既為

衣冠所推必為臺閣所舉

想君必不久於江東也

贈徐中書望終南山歌新唐書徐楚璧中書

舍人後更名安貞

晚下兮紫微悵塵事兮多違駐馬兮傳樹望青山兮不

歸。周潛詩遂與塵事冥西域記阿育王起浮屠於佛泥

洹處雙樹及塔此樹名婆羅樹其樹華名婆羅法也

汨自涅槃也舊本誤刻泥濕又按水經注雙樹及塔之下有今無復有也五字此注所引前後不全故未明丁右丞雖不登峰造極而各體俱佳固屬天姿亦由開暇于美曰文章憎命

紫微中書所居也出省之後悵然與塵事不合是以駐馬林間望青山而忘歸也

### 魚山神女祠歌二首

千道志魚山一名吾山漢武帝歌云吾山平今鉅野溢濟

州通志魚山在東阿縣西八里張華序魏佐趙夜夢神女自稱成公智瓊天帝令下嫁後三四日一來芬香達於室宇頗為人知一旦別去畱贈裙衫襦襦後五年趙之洛智瓊復至

### 迎神曲

坎坎擊鼓魚山之下

叶後五反

吹洞簫望極浦女巫進紛屢

舞陳瑤席湛清醑風淒淒今夜雨神之來兮不來使我

心兮苦復苦

詩坎坎鼓我父坎其擊鼓宛丘之下漢書元帝善吹洞簫洞者通也上下相通故曰

洞簫楚詞望澤陽兮極浦周禮女巫巫掌歲時祓除釁浴詩屢舞僊僊楚詞瑤席兮玉璫詩既載清醑傳女歌神



達吾欲以之來光  
此說解之景照

擊鼓吹簫迎神之樂盛矣。又使女巫進舞列席陳觴。時風雨淒其神之來否尚未可必。徒使我憂勞耳。

### 送神山

紛進拜兮堂前。目眷眷兮瓊筵。來不語兮意不傳。作暮

雨兮愁空山。悲急管思繁絃。靈之駕兮儼欲旋。條雲收

兮雨歇。山青青兮水潺湲。楚詞紛進拜兮展舞謝惠連詩春春浮客心袁宏賦開金

扉坐瓊筵楚詞入不言兮山不辭鮑照白紵歌催弦急

管爲君舞顧野王箏賦轉少寺於繁絃謝惠連詩沃若

靈駕旋虞世南

詩雨歇諸峰翠

主祭者紛然進拜。若見神之顧我。意雖不傳。雨若可驗。管絃方盛。而靈駕將旋。則雲收雨歇。而山水依然。

知神之  
已去矣

### 送友人歸山歌二首

山寂寂兮無人。又蒼蒼兮多木。羣龍兮滿朝。君何為兮。

空谷文寡和兮。思深道難知。今行去獨。易見羣龍無首

其調高其和寡。史記道家無悅石上兮流泉。與松間兮

為其辭難知。易獨行。夫大。草屋入雲中兮。養雞上山頭兮。抱犢神與棗兮。如瓜虎

賣杏兮收穀。琴操河間雜歌二十一章中有石上流泉。陶潛詩草屋八九間。論衡淮南王得道雞

鳴天上。犬吠雲中。隋圖經石邑有抱犢山。四面危絕。後

魏葛榮亂。百姓抱犢上山。因名焉。一統志抱犢山在河

南府盧氏縣東南九十里。又真定府獲鹿縣西八里。亦

多用對仗而且工麗則去古遠矣劉乃反以盤谷歌意為凡何耶。此首無一七言句要亦七言之變調故不分騷體

如瓜神仙傳董奉種杏數萬株買杏者將穀一器愧不置倉中即自往取一器杏穀少杏多有虎逐之

才今妨賢嫌既老今貪祿誓解印今相從何詹尹今可

卜說苑虞丘子曰臣為令尹妨羣賢路楚詞屈原既放往見太卜鄭詹尹曰余有所疑願因先生決之

山空多木非賢者所宜居况羣英滿朝君何處此非為文寡和而道難知邪既不偶於俗則養雞抱犢啖

棗實杏而已我將解印以從不必卜諸詹尹也

其二

其二

山中今欲歸雲冥冥今雨霏霏水驚波今翠營靡白

鷺忽今翻飛君不可今褰丘連切衣白華官今丹鉛錄水

蔥而中空一名翠管唐東牟郡歲貢水蔥席六領陸機詩翻飛游江汜太玄經褰其衣山萬重今

唐以摩詰失節謂去就非詹尹所決恐非詩意

言君之欲歸雲雨水草相亂相糾而君以爲不可需竟揅衣而

去既去之  
後山雲翁  
蔚樹密猿  
啼杳不可  
見矣已而  
晚照流天  
雲空境顯  
平蕪渺渺  
益動吾之  
懷思耳

雄風勁氣  
足以自豪  
○予初以  
趙曰邯鄲  
平原必公  
子也及玩

一雲混天地兮不分樹掩曖兮氛氲猿不見兮空聞忽  
山西兮夕陽見東臯兮遠村平蕪綠兮十里砂惆悵兮  
思君寶積經能使一雲普救三千大千世界梁簡文詩  
渾如天地未分楚詞揚雲霓之掩曜瑞應圖非氣  
非烟五色紛緼爾雅山西曰夕陽陶潛  
詞登東臯以舒嘯又詩曖曖遠人村

高適

邯鄲少年行

一統志廣平府邯鄲縣本戰國時趙都

邯鄲城南游俠子自矜生長邯鄲裏千場縱博家仍富  
幾處報讐身不死宅中歌笑日紛紛門外車馬如雲屯  
未知肝膽向誰是令人却憶平原君樂府採桑城南隅史記豐吾所生長

文勢則當又郭解以軀借交報讐適有天幸窘急常得脫若遇赦  
為朱建言王融詩所知共歌笑列子望之若雲屯焉史記臣願披  
車馬雖多腹心輸肝又平原君趙勝趙之諸公子漢書朱建為  
無可托肝點布相布欲反建諫之高祖賜建號平原君辟陽侯得  
胆如平原幸呂太后欲知建建不肯見及建母死辟陽侯奉百金  
君者一日久之人或毀辟陽侯惠帝欲誅之建乃見孝惠幸臣閼  
黃金盡則籍孺言帝出辟陽侯孝文時淮南厲王殺辟陽侯以黨  
歌笑我車諸呂故逮建建自剄按平原君有二上云報讐不死當  
馬馳矣故以朱建  
辭此紛紛為是  
而射獵為君不見今日交態薄黃金用盡還疎索以茲感  
樂唐解未

然注出朱壯舍去之  
建則絕妙獵西山頭國策黃金百斤盡蕭子雲詩一水  
建不必為終疎索史記李廣居南山中射獵  
趙人以所古大梁行一統志開封府縣  
號之地相都於此號為大梁  
古城莽蒼饒荆榛驅馬荒城愁殺人魏土官觀盡禾黍

同也

信陵賓客隨灰塵

莊子適莽蒼者三舍而反始皇紀宮觀二百七十詩大序不廟宮室畫為

禾黍陶潛詩一朝成灰塵

憶昨雄都舊朝市軒車照歌鐘起軍容

帶甲三十萬國步連營五千里

史直三川周室天下之朝市也說苑翟黃乘軒

車霽岳賦金根照耀以炯晃國語公賜魏絳歌鐘一肆司馬法軍容不入國史記張儀曰魏地不至千里卒不

過三十萬詩國步斯頻國策蘇秦曰楚地方五千里全盛須臾那可論高臺曲池

無復存遺墟但見狐狸跡古地空餘草木根

新論高臺既已傾曲

池又已平列子民食草木根實

暮天搖落傷懷抱撫劍悲歌對秋草俠

客猶傳朱亥名行人尚識夷門道白壁黃金萬戶侯寶

刀駿馬填山丘年代淒涼不可問往來唯見水東流

史記

傳言達夫  
遊於博徒  
其詩亦多  
悲歌感慨  
之意

虞卿見趙王賜白璧一雙黃金百鎰封萬戶侯穀梁傳孟勞者魯之寶刀也穆天子傳賜許男駿馬十六

見古城之荒涼而追想曩昔之壯麗因言全盛難保  
故物一無存者吾傷懷而悲歌惟俠客隱士尚傳其  
名而萬戶侯之寶刀駿馬皆填山丘矣河水  
東流依然如舊耳不令人感歎無窮也哉

燕歌行

此詩唐解  
未穩起處  
殘賊正指  
殘賊之人

開元二十六年客有從元戎出塞而還者作燕歌行  
以示適感征戍之事因而和焉

故言壯士  
心本雄豪

漢家烟塵在東北漢將辭家破殘賊男兒本自重橫行

復承恩寵  
下榆關出

天子非常賜顏色

史記樊噲曰臣死且不避十萬衆橫行匈奴中相如文蓋世者非常之人然後

馳而單于

有非常  
擬金伐鼓下榆關旌旆逶迤碣石間校尉羽書

至有時歌  
舞未終而

軍半死有時孤城力盡而圍如故所以圍中自念征人而戰士徒思故國也彼邊庭絕域惟有殺氣陣雲征人以死為期平安得良將以免此苦乎唐以殘賊為餘寇又因美人句所以步步

飛瀚海單于獵火照狼山子虛賦撻金鼓吹鳴籥注撻擊也詩鉦人伐鼓漢書北開

榆中之關注師古曰即今所謂榆關也是才不獨石入

于河唐地理志平州五城縣有碣石山漢書八校尉秩

皆二千石魏志太祖北征山山蕭條

統志狼山在寧夏衛城東南二百九十里

極邊土古騎憑陵雜風雨戰士軍前半死生美人帳下

猶歌舞在助彈事獲也憑陵劉向新序韓安國曰匈奴來若風雨解若收重史記項羽夜起飲帳中悲

歌忼慨美大漠窮秋寒草腓孤城落日鬬兵稀身當恩

遇常輕敵力盡關山未解圍北邊備對匈奴遠度幕北以要疲漢兵故武帝欲越

幕征之而大漠之名始通中國募者漠也鮑照白紵歌

竊秋九月荷葉黃詩百卉具腓毛萋日腓病也說苑君

子守國安民非特鬬兵罷殺士衆而已廣絕交論銜恩

遇進欵誠老子禍莫大於輕敵新序高帝圍於平城七

月丁巳寺年



駁之然觀  
死節句則  
此將雖疲  
人輕敵亦  
盡力邊方  
者高不墜  
其失不沒  
其忠而四  
以見軍士  
之粹也從  
末二句推  
之即得其  
意唐詩存  
大畧以備  
泰

日乃鐵衣遠戍辛勤久玉筋應啼別離後少婦城南欲  
斷腸征人薊北空回首邊庭飄飄那可度絕域蒼茫無  
所有殺氣三時作陣雲寒聲一夜傳刁斗梁簡文帝詩玉筋衣前滴  
李白詩注玉筋淚也周趙王從軍行薊北亭障接燕然  
盧思道詩邊庭節物與華異陸雲詩飄飄冒風塵李陵  
畫則身絕域之表庾信詩君詩漁  
陽少陣雲沈約詩稍聲振寒聲  
相看白刃雪紛紛死  
節從來豈顧勳君不見沙場征戰苦至今猶憶李將軍  
相如喻巴蜀檄觸白刃冒流矢張衡詩欲往從之雪紛  
紛史記賢人守信死節又李牧厚遇戰士匈奴人急收  
保匈奴數歲無所得邊十音胡一單於是多為奇陳張  
左右翼擊之破匈奴十餘萬騎單于十餘歲不敢近趙  
言烟塵在東北原非內地漢將所統特簡選此輩  
本重橫行天子乃厚加禮貌於是鳴金鼓建旌旆以

臨瀚海適值單于之獵憑陵我軍我平死者過半主將方且歌舞不惜士卒是以防秋之師關兵日稀蓋恃恩輕敵故士卒力盡而未能罷歸至家相望色彼士卒之意豈欲樹勳白刃間如李女為將守備為本乃庶幾耳

### 九月九日酬顏少府

簷前白日應可惜籬下黃花為誰有行子迎霜未授衣

主人得錢始沽酒蘇秦頗頷人多厭蔡澤栖遲世看醜

縱使登高只斷腸不如獨坐空搔首陶潛詩采菊東籬下禮記鞠有黃華

翻得好以其極似失意人情事也

鮑照詩行子夜中飯詩九月授衣更記馮驩得錢即多

具牛酒國策蘇秦歸至家妻不下紕嫂不為炊父母不

與言史記韓信常從人寄食飲人多厭之者又蔡澤從

唐舉相唐舉熟視而笑曰先生曷鼻巨肩難顏蹙觸膝

攀吾聞聖人不相殆先生乎續齊諧記桓景隨費長房遊學累年長房謂曰九月九日汝家有災宜令家中各作絳囊盛茱萸以繫臂登高飲菊花酒此禍可除景如言夕還見雞犬牛羊一時暴死詩搔首踟躕景雖可憐菊不能賞者以無衣之客而值乏酒之主也爲人所厭貌亦見憎藉令登高益傷淪落矣

送別

昨夜離心正鬱陶三更白露西風高螢飛木落何淅瀝

此時夢見西歸客曙鐘寥亮三四聲東鄰嘶馬使人驚

事本無甚情致故以預身作波

攬衣出戶一相送唯見歸雲縱復橫楚詞衆駭遽以離心魏文帝樂府木

落翩翩謝惠連賦霞漸溢而先集詩誰將西歸嘆肩吾

詩風長曙鐘近積康賦新聲慘亮注亮聲清徹貌活

詩攬衣起徘徊出戶獨仿

崔揚雄解嘲一縱一橫

念離而憂思深而夢候鐘而起聞馬而驚已不勝情矣况既送之後惟見歸雲能無惆悵乎

### 送田少府貶蒼梧

唐地理志梧州蒼梧郡有蒼梧縣今廣西

沉吟對遷客惆悵西南天昔為一官未得意今向萬里

令人憐

古詩沉吟聊躑躅江淹賦遷客海上

念茲斗酒成睽間

去聲

停舟歎君日將晏遠樹應連北地春行人却羨南歸鴈

歎者歎其

將別也遠

樹二句言

春色雖可

遙連行人

終慚北雁

唐解存泰

窮達未可知看君不合長數奇江山到處堪乘興楊柳

青青那足悲

史記項伯曰天下事未可知莊子彼其道遠而險又有江山世說乘興而行

言少府昔所居之官已非得意今又貶黜堪憐飲此斗酒永成離隔是以日晏而不忍別也地既異矣連

接唯樹間春色儁侶希矣可美唯雁之依人然  
君非終於不偶者姑就所經之地以消憂可也

言我憐君  
念故鄉而

不得歸人  
日梅柳皆

愁人之具  
也吾身在

蜀地君之  
消息慨不

與聞所憂  
者正恐明

年又未必  
在草堂耳

且少壯流  
落老涉風

塵不才居  
位能無念

人日寄杜二拾遺

人日題詩寄草堂。遙憐故人思故鄉。柳條弄色不忍見。

梅花滿枝空斷腸。

董勛周禮俗正月一日為雞二日為狗三日為猪四日為羊五日為牛六

日為馬七日為人狂工部年譜乾元二年公入蜀上元

元年裴冕為成都尹為卜浣花草堂居之一統志草堂

在成都府城西南五里浣花溪上梁元帝詩故人懷身

故鄉宋書壽陽公主主人日臥於簷下梅花落額上

在南蕃無所預。心懷百憂復千慮。今年人日空相憶。明

年人日知何處。

唐書高適出為蜀彭州刺史南蕃謂蜀也預與同書逢此百憂更記智者千

慮必有一失。臥東山三十春。豈知書劍老風塵。龍鍾還忝

君而自愧

乎

玩末二句

或是相憐

之意言我

猶叨微祿

而君但苦

飄零故子

美口東西

南北正堪

論也。按

李頎贈高

詩則達夫

五十始遇

三十春所

固然矣反

其刺獨自

宜龍鍾

二千石愧爾東西南北人

晉書高臥東山又記項籍小

時學書不成去學劍又不成

卑蒼龍鍾竹名年老如竹枝葉搖曳不自禁持也漢

百官表郡守秦官秩二千石禮記孔子曰今丘也東西

南北之人也

### 賦得還山吟送沈四山人

還山吟天高日暮寒山深送君還山識君心

謝靈運詩桂樹凌寒

山人生老大須恣意看君解

去聲

作一生事山間偃仰無

不至石泉淙

切

淙若風雨桂花松子常滿地

古樂府

傷悲詩或栖遲偃仰楚詞飲石

泉今蔭松栢疏文淙淙水聲也

賣藥囊中應有錢還山

服藥又長年白雲勸盡盃中物明月相隨何處眠眠時

此詩起似  
琴曲而與

憶問醒時意夢魂可以相周旋高士傳韓康字伯休采藥賣於長安市中口不

下章俱遜  
前作○憶

二價史記夏無且以藥囊提荆軻趙壹  
詩不如一囊錢陶潛詩且進杯中物

問者憶我  
所問也能

言人生老大固宜恣意君能了此一生以取石泉松  
桂之樂焉且囊錢可以自給服藥可以長年而白雲

億則夢中  
猶可劇談

明月相期於寢食間矣倘臥而想  
及舊交或於魂夢周旋未可知也

矣或謂與  
上二句相

### 別韋叅軍

聯則與白  
雲明月相

二十解書劍西遊長安城舉頭望君門屈指取公卿國

周旋亦一  
說也

風冲融邁三五朝廷禮樂彌寰宇白璧皆言賜近臣布

此所謂書  
劍老風塵

衣不得干明主歸來洛陽無負郭東鄰梁宋非吾土免

也

苑為農歲不登鴈池垂釣心長苦楚詞望三五以為像  
注謂二皇五帝更記

此處大率直

蘇秦曰使吾有雒陽負郭田二頃吾豈非佩六國相印乎唐書高適少落魄不治生事客梁宋間宋州刺史張九臯奇之舉有道科中第調封丘尉不得志去客河西潘岳詩信美非吾上西京雜記梁孝王築兔園園中有雁池漢書比歲不登民匱於食世人向我同衆人唯君於我最相親且喜百年見交態未嘗一日辭家貧彈碁擊筑白日晚縱酒高歌楊柳春歡娛未盡分散去使我惆悵驚心神丈夫不作兒女別臨岐涕淚沾衣中更記一貧一富乃知交態傳夕彈碁賦敘漢成帝好蹴鞠劉向謂非至尊所宜乃因其體作彈碁史記高漸離擊筑荆軻和而歌於市中索隱注筑似琴用竹擊之韓詩外傳齊景公縱酒冥均詩不見楊柳春徒看桂枝白簡潛詩分散逐風轉左思詩聊可瑩心神曹植詩無乃兒女仁



言我少負其才謂公卿可立致不知主上自謂成五  
登三狃於近習疇復禮布衣之士乎於是歸洛無資  
遊梁乏主人以衆人待我君獨交態若一未嘗辭  
酣暢也今之分手雖無兒女情亦不能不揮淚矣

贈別晉三處士

有人家住清河源渡河問我遊梁園手持道經注已畢  
心知內篇口不言盧門十年見秋草此心惆悵誰能道  
知己從來不易知慕君為人與君好別時九月桑葉疎  
出門千里無行車愛君且欲  
君先達今上求賢早上書

封丘縣

予憶于鱗  
古今詩刪  
中有此詩  
則唐君亦  
未知于鱗  
原本也

我本漁樵孟諸野一生自是悠悠者乍可行吟草澤中  
寧堪作吏風塵下孤言小邑無所為公門百事皆有期  
拜迎官長心欲碎鞭撻黎庶令人悲悲來向家問妻子  
舉家盡笑今如此生事應須南畝田  
情付與東流水  
夢想故山安在哉為銜君命日遲迴乃知悔福徒為爾  
暫憶陶潛  
歸去來

岑參

登古鄴城

詩亦清雅  
然吾竊怪  
唐人咏鄴  
臺往往哀  
傷老瞞何  
其無惡惡  
之心也當  
以徐文長  
四聲猿正  
之。或爲  
予言數年  
前有人掘  
得此老真  
墓其中發  
機甚多  
蒼然無枝

下馬登鄴城。城空復何見。東風吹野火。暮入飛雲殿。城隅南對望陵臺。漳水東流不復回。武帝宮中人去盡。年年春色爲誰來。王粲詩歌舞入鄴城。列子人血之爲野火也。漢宮闕名。長安有飛雲殿。魏武遺令。吾使人皆著銅爵臺。時時望吾西陵墓田。

韋員外家花樹歌

今年花似去年好。去年人到今年老。始知人老不如花。可惜落花君莫掃。君家兄弟不可當。列卿御史尚書郎。

刪訂唐詩解

卷九

五

葉。惜花  
正是傷老

朝回花底恆會客。花撲玉釭春酒香。

後漢百官志尚書  
六人侍郎三十六

人一曹有六人  
主作文書起草

邯鄲客舍歌

客從長安來。驅馬邯鄲道。傷心叢臺下。一旦生蔓草。客  
舍門臨漳水邊。垂楊下繫釣魚船。邯鄲女兒夜沽酒。對

客挑燈誇數錢。酩酊醉時日正午。一曲狂歌墟上眠。史記

墟上恐未  
是。觀起  
處則結語  
非子都之  
調笑也

上指示慎夫人曰此走邯鄲道也趙世家趙武靈王起  
叢臺一統志叢臺在廣平府邯鄲縣北鮑照詩洛陽少

童郎邯鄲女樂府大堤諸女兒廬諷詩元燈更惜花後漢  
書童謠云河間姪女工數錢晉山簡歌酩酊無所知漢  
書注師古曰賣酒之處累土爲廬以居酒瓮晉書阮籍  
鄰家婦有美色當墟沽酒籍嘗詣婦飲醉便臥其側

觀叢臺之蕪沒值春景之方佳見當如之竊  
寃是以夜醉而畫方醒不覺寄興於而歌也

### 喜韓尊相過

亦淺而不弱

起得健。朗誦數過

三月灞陵春已老故人相逢耐醉倒  
頭春酒黃花脂祿米只充酤酒資  
長安城中足年少獨共韓侯開口笑

桃花點地紅斑斑有酒畱君且莫還  
與君兄弟日攜手

世上虛名好是閒

胡師耽詩苑中酒新熟莊子盍駟曰人生閒日而笑者一月之中不過四

五日韓非子虛名不可以借人

古筇歌送顏真卿使赴河隴

疏文古人捲蘆葉吹之用以作樂

君不聞古筇聲最悲紫髯綠眼古人吹吹之一曲猶未

不減劉曉之響矣

刪訂唐詩解

卷九

去

了愁殺樓蘭征戍兒

太平御覽古笳者張博望入西域傳其法於西涼唯得摩訶兜勒一

曲蘇帝春秋張連問吳降人向有紫髯將軍是誰答曰

孫會稽也漢書鄯善國本名樓蘭王去陽關千六百里

梁江洪詩紅

顏征戍兒

涼秋八月蕭關道北風吹斷天山草崑崙

山南月欲斜

古人向月吹古笳

虞羲詩涼秋八月更記單于十四萬騎入朝

那蕭關一統志蕭關在陝西平涼府鎮原縣西北一百

四十里范雲詩風斷陰山樹一統志火州天山在交河

城古笳怨今將送君泰山遙望隴山雲邊城夜夜多愁

夢向月古笳誰喜聞

一統志西泰山在隴州隴安傳縣北二十里秦嶺山在隴州隴安廢

縣西南未

詳所指

言笳聲動征戍之思傳矣今當涼秋搖落向月而吹其愁可知於是既為怨聲以送君又登山以望河隴

此言亦是

此地最多愁  
君豈喜用  
此筵音哉  
諒其必不堪也

### 西亭子送李司馬

高高亭子郡城西  
直上千尺與雲齊  
盤崖緣壁試攀躋

羣山向下飛  
鳥低

詩無曰高高在上  
北山移文千  
青雲而直上  
雷詩上與浮雲齊  
使君

五馬天半嘶  
絲繩玉壺爲君提  
坐來一望無端倪  
紅花

綠柳鶯亂啼  
千家萬井連回溪

古樂府使君從南來五  
馬立踟躕  
王僧孺詩高

拔起天半竿  
延年詩就我求清酒  
絲繩提玉壺  
莊子反

覆終始不知端  
倪爾禮方百里爲一同  
積萬井其中校

乘七發依絕  
區今臨迴溪

酒行未醉聞暮雞  
點筆操紙爲君題  
爲君

題惜解攜  
草萋萋沒馬蹄

秋興賦序  
染翰操紙慨然  
而賦陸機詩  
撫膺解攜手

二詩殊爲  
少致

亭在山巔既登而益見其高於是設酒話別而坐望之景又如此然酒未醉而難將栖不復能盡興矣寄意詩章無柰芳草之送行也

函谷關歌送劉評事使關西

雅錄長安東一百八十里唐潼關地自潼

關東二百里至陝州靈寶縣則秦函谷關也自靈寶縣三百餘里至河南府新安縣則漢函谷關也

君不見函谷關崩城毀壁至今在樹根草蔓遮古道空

谷千年長不改

漢書注應劭曰樓船將軍楊僕耻爲關外民上書乞徙東關以家財給用武帝

意亦好廣潤於是徙關於新安去弘農三百里論衡祀梁妻崩城之名至今不滅可逢詩綠溝綠草蔓寂

寞無人空舊山聖朝無事不須關白馬公孫何處去青

牛老人更不還

鮑照詩不使舊山空新向七畧公孫龍持白馬之論以要關蒼苔白

不須關亦非正論

此事何目  
不如此而  
達人何寡  
也

按漢南記

曰郭丹經

節累傳從

武關出謁

更始又似

唐夏侯端

乃乘傳以

後事也

起得磊落

骨空滿地月與古時長相似野不省見行人山鳥何

曾識關吏故人方乘使去聲者車吾知郭丹却不如請君

時憶關外客行到關西多致書後漢書郭丹字少卿買符入函谷關乃慨然歎

日丹不乘使者車終不出關更始二年  
乘高車出關後漢書鄧禹名震關西

函谷起於秦徙於漢廢於唐故言遺址蕪沒而朝廷  
清平無藉於關徒想持論之公孫著書之柱史而已

今月色無改花鳥無情而行人關吏之變不可勝數  
然功名之著於斯者猶不滅也今君奉使才勝郭丹

尚其毋忘  
舊好乎

輪臺歌奉送封大夫出師西征唐地理志北庭大  
都護府有輪臺縣

輪臺城頭夜吹角輪臺城北旄頭落羽書昨夜過渠黎



單于已在金山西戍樓西望烟塵黑漢兵屯在輪臺北

通禮義纂蚩尤帥魍魎魍魎與黃帝戰帝命吹角為龍

鳴以禦之史記昂曰髦頭古星也漢書渠犂城至龜茲

五百八十里武帝初置校尉屯田渠犂北邊備對突厥

阿史那氏得古匈奴北部之地居金山之陽一統志金

山在陝西永昌上將擁旄西出征平明吹笛大軍行四

衛城北二里邊伐鼓雪海湧三軍大呼陰山動塞兵氣連雲屯戰

場白骨纏草根劒河風急雲片濶沙口石凍馬蹄脫

班固涿邪山祝文仗節擁旄來趙詩雲霧四邊收後漢書城

宮進兵呼聲動山谷漢書道人之西河虎猛制塞注

虎猛縣名制塞在其外又牙端亞朽勤王甘苦辛誓

生火兵氣也秋典賦高閣連雲

將報主靜邊塵古來青史誰不見今見功名勝古人

亞相御史大夫也

雪如梨花  
耳解謂太  
早故疑爲  
梨花刪之

嘉州嘗從封常清西征屯兵輪臺而作是歌言吹角而妖星落卽有破敵之勢矣是時留于在金山之西我兵屯輪臺之北將軍擁旄而西聲震山海雖景象慘愴風氣凜烈然亞相能甘之者分報主以靜邊塵使功名勝於古人耳上將又云亞相兼文武也

### 白雪歌送武判官歸

北風卷地白草折。天八月卽飛雪。忽如一夜春風來。千樹萬樹梨花開。散入珠簾溼羅幕。狐裘不暖錦衾薄。將軍角弓不得控。都護鐵衣冷難著。瀚海闌干百丈冰。

愁雲慘淡萬里凝。

漢書鄯善國出白草師古曰牛馬所嗜也陸機詩蘭室接羅幕左思賦珠

琲闌干富嘉謩明水篇南山闌干畫夜來神異經北方層冰萬里厚百丈中軍置酒飲歸客

回環絕有  
情致從古  
詩前日賦  
雪中故人  
從此去脫  
出。注引  
王敬弘侍  
兒乃偷枕  
事也

此往也而  
起日使車  
回豈回轉  
之義耶

古琴琵琶與羌笛紛紛暮雪下轅門。風掣紅旗凍不翻。  
輪臺東門送君去。去時雪滿天山路。山迴路轉不見君。  
雪上空留馬行處。劍俠傳王敬弘有侍妓善鼓古琴釋  
名推手前曰琵琶引手却曰琵琶馬融長  
笛賦近世雙笛從羌起隋王衡詩寒  
庭淨暮雪虞世基詩霜旗凍不翻  
雪似梨花而穿簾入幕則覺寒透骨矣海凍雲凝之  
候置酒以送歸人而暮雪不止涉雪而去其勞可知  
我悵望無已而草  
其馬跡思深哉

### 青門歌送東臺張判官

青門金鎖平旦開城頭日出使

去聲

車回青門柳枝正堪

折路傍一日幾人別

三輔黃圖成帝以金鎖纜雲舟  
於波上史記秦使卑適入齊境

東

題曰東臺

詩又曰繡

衣驄馬豈

以判官有

侍御之銜

耶。醉懶

題既見其

醉又見其

連於去也

黃麗似興

其懶

我意起四

句古門開

之際有歸

者有別而

出青門路不窮。驛樓宮樹灞陵東。花撲征衣看似繡。雲

隨去馬色疑驄。

簡文詩斜上灞陵東灞

古姬酒壚日未

午。絲繩玉釭酒如乳。灞頭落花沒馬蹄。昨夜微雨花成

泥。黃鵬翅溼飛屢低。關東尺書醉懶題。

吳均詩白酒甜鹽甘如乳吳越

春秋采芻婦詩曰

須臾望君不可見。揚鞭飛鞚疾如箭。

借問使乎何時來。莫作東飛伯勞西飛燕。

吳均詩揚鞭渡易水鮑照

詩飛鞚越平陸樂府東飛伯勞西飛燕黃姑織女時相見

言門開而使車發別者幾何人也從此以往路方遙

景方麗矣今就當壚以取醉君且馳馬而去不復能

留幸寄音書勿又懶題而為伯勞飛燕之不相見也

刪訂唐詩解

卷九

辛

去者紛紛

然不知幾

人以下乃

言判官與

唐解參之

○唐解後

二句稍易

梁州館與諸判官夜集

彎彎月出挂城頭城頭月出照梁州梁州七里十萬家  
古人半解彈琵琶琵琶一曲腸堪斷風蕭蕭今夜漫漫  
河西幕中多故人故人別來三五春花樓門前見秋草  
豈能貧賤相看老一生大笑能幾回斗酒相逢須醉倒

送魏升卿擢第歸東都因懷魏校書陸渾喬潭

井上梧桐雨潮亭卷秋風故人適戰勝走馬歸山東問  
君今年三十幾能使香風滿人耳君不見三峰直上五  
千仞見君文章亦如此如君兄弟天下稀雄詞健筆皆  
若飛將軍金印鞶紫綬御史鎮冠重繡衣喬生作尉別  
來久因君爲問平安否魏侯校理復何如前日人來不  
得書陸渾山水佳可賞蓬閣閒時日應往自料青雲未  
有期誰知白髮偏能長盧頭青絲白玉瓶別時相顧酒  
如傾搖鞭舉袂忽不見千樹萬樹空蟬鳴

送費子歸武昌

漢陽歸客悲秋草旅舍葉飛愁不掃  
來信憶武昌魚

著字不佳

夢著只在巴陵道。會隨上將過祁連離。十年恆在邊

武昌城中

鏑蒲百金。每一擲平生有錢。將與人江上故園空。四壁

有鳳凰山

吾觀費子毛骨奇。廣濟大口仍赤髭。君失路尚如此

予往有句

人生貴賤那得知。高秋八月歸南楚。東門一壺聊出祖

云鳳凰山

路指鳳皇山。北雲衣沾鸚鵡洲。邊雨莫歎蹉跎白髮新

靜沉沉月

應須守道勿羞貧。男兒何心

鸚鵡洲寒

戀妻子。莫向江村老却人。

瑟瑟風而

衛節度赤驃馬歌

嘉州已有

君家赤驃。畫不得。一團旋風。桃花色。紅纓紫鞵。珊瑚鞭

之

玉鞍錦韉。黃金勒。請君鞚出看。君騎尾長。率地如紅絲

以此較子

自矜諸馬。皆不及。却憶百金初買時。香街紫陌。鳳城內

美味馬諸

滿城見者。誰不愛。揚鞭驟急。白汗流。弄影行。驕碧蹄碎

篇真有驚

紫髯。古雛金剪刀。平明剪出三駿高。握上看時。獨意氣

駿之別。

衆中牽出。偏雄豪。騎將獵向南山口。城南狐兔不復有

罕光忽切

草頭一點疾如飛。却使蒼鷹翻向後。憶昨看君朝未央

文選駸駸

鳴珂擁蓋。滿路香。始知邊將真富貴。可憐人馬相輝光

物率行緩

男兒得意有如此。駿馬長鳴北風起。待君東去掃古塵

之貌率地  
疑別有據

爲君一日  
行千里

與獨孤漸道別長句兼呈嚴入侍御

輪臺客舍春草滿，潁陽歸客腸堪斷。窮荒絕漠鳥不飛，  
萬磧千山夢猶懶。憐君白面一書生，讀書萬卷未成名。  
五侯貴門脚不到，數畝山田身自耕。興來浪跡無遠近，  
及至辭家憶鄉信。無事乖鞭信馬頭，西南幾欲窮天盡。  
奉使三年獨未歸，邊頭詞客舊來稀。借問君來得幾日，  
到家不覺換春衣。高齋清畫卷羅幙，紗帽接羅幄不著  
中多健句，而通首未煉。

滿堂寥廓五月寒，桂林葡萄新吐蔓。武城刺密未可食，  
軍中置酒夜撾鼓。錦筵紅燭月未午，花門將軍善古歌。  
葉河蕃王能漢語，知爾圍林壓渭濱。夫人堂上泣羅縠，  
魚龍川北磐谿雨。鳥鼠山西洮水雲，臺中嚴君於我厚。  
別後新詩滿人口，自憐棄置天西頭。因君爲問相思否。

李頎

古意

未有佳處  
而節奏自

古

男兒事長征，少小幽燕客。賭勝馬蹄下，出來輕七尺。殺

人莫敢前，鬚如蝟毛磔。

之石易江淹詩幽燕非我國吳均詩徒傾七尺命晉書桓溫眼

如紫石稜鬚作蝟毛磔說文磔裂也

黃雲隴底白雪飛，未得報恩不能歸。

遼東小婦年十五，慣彈琵琶解歌舞。今為羗笛出塞聲。

使我三軍淚如雨。

漢書李陵歌曰老母已死雖欲報恩將安歸梁元帝詩遼東少婦學春歌

樂府少婦無所為又車前女子年十五手彈琵琶玉節

舞許慎說文笛七孔羗笛三孔曹嘉之晉書劉琨拔茄

而吹之為出塞入塞之聲

言男兒固輕生好勇而主恩未報畱滯邊庭一聞出塞之聲而三軍為之揮淚當不悔其初心耶

剛訂唐詩解

卷九

圭



古行路難

亦大雅之音也

漢家名臣楊德祖四代五公享茅土

史記張廷尉方今天下名臣後漢書

楊震字伯起為太尉中常侍樊豐等見震連切諫不從遂共譖震夜遣使者策收震太尉印綬震飲酖而卒震有五子中子秉字叔節桓帝即位拜大中大夫為太尉秉子賜字伯獻靈帝賜御府衣復拜太尉子彪嗣彪字文先為太尉以疾罷子修字德祖操忌修遂因事殺之司馬彪漢書袁安桓帝初遷太尉四葉五公尚書緯王者社東青南赤西白北黑冒以黃土將封諸侯各取方土苴以白茅以為社父子兄弟綰銀

亦愚乎范曄曰修雖才于淪我黃躍馬鳴珂朝建章火浣單衣繡方領茱萸錦帶玉盤

淳則是史囊賓客填街復滿座片言山口生輝步廣絕交論早綰銀黃漢書注銀

筆也銀印黃金印史記蔡澤傳躍馬疾驅科詩注珂馬飾也馬行則響謂之鳴珂東方朔十洲記參用火林山有獸

按梁四公

傳又云一  
用木皮為  
之

嗟乎德祖  
求如此而  
不得也

大如鼠毛長三四寸取其毛以為布衣其垢自落東方朔神異經南方火山有鼠重百斤毛長二尺餘細如絲二說稍異王褒詩單衣大浣布漢書廣川王去姬榮愛為夫刺方領繡注晉人曰方領今之婦人直領也領上刺作繡散文薛靈和記錦有大茱萸小茱萸王樞詩空結茱萸帶江總詩合歡錦帶鴛鴦鳥後斷其經史記終侯言事會不能出口世人逐勢爭奔走瀝膽墮肝惟恐後當時一顧登青雲自謂生死長隨君一朝謝病還鄉里窮巷蒼苔絕知己秋風落葉閉重門昨日論文竟誰是吳均詩開胸瀝膽取一顧者川青雲史記王薄俗嗟嗟難重陳深山麋鹿可為鄰剪謝病歸老頻陽魯連所以蹈東海古往今來稱達人劉琨詩棄置勿重陳潘岳賦古往今

古詩如此  
乃名家活  
套

來邈矣悠哉賈誼賦  
達人大觀物無不可

借楊氏以立言言德祖世綰銀黃車服綺麗賓客得  
其片言以為葦裘是以披肝瀝膽惟恐居後當其致  
之青雲誓以生死及其謝病知己安在薄俗如此  
乃知魯連所以稱達者正為不與此輩為羣耳

送劉昇

八月寒葦花秋江浪頭白北風吹五兩誰是潯陽客鷓鴣

鷓鴣山頭宿雨晴揚州郭裏暮潮生行人夜宿金陵渚試

聽沙邊有鴈聲詩凡八月桂葦郭璞賦規五兩之動靜兵

取羽繫其巔立軍營中淮南子注統候風也楚人謂之

五兩一統志九江府晉置潯陽郡隋改九江僧皎然詩  
夜驚潮沒鷓鴣山疑在揚州鎮江之間一統志應天府禹

貢揚州之域楚威

王初置金陵邑

言葦花點浪五兩候風君將向海陽矣倘宿金陵而聞鴈聲得毋念我棲集之懷侶乎

崔五丈圖屏風各賦一物得烏孫佩刀

起結似子美

烏孫腰間佩兩刀刃可吹毛錦為帶握中枕宿穹廬室

人皆愛陰山二句然

馬上割飛蟬於公切寒執之魍魎誰能前氣稟清風沙

前後皆若勁不應以

漠邊磨用陰山一片玉洗將古地獨流泉主人屏風寫

圓調問之

奇狀鐵銷金環儼相向回頭瞪宅耕切目時一看使予心

古語頗當

在江湖上史記烏孫在大宛東北可二千里文選注

牢守門壘

傳魑魅罔兩莫能達之一統志獨流河在興濟縣北至

蟬冠汝無

靜海縣四十五里漢五行志涿郡鐵官鑄鐵銷皆飛去

遠介

註引銷字

言銷銘也

玩詩則一

物矣俟更

詳之

竊漫也爾

雅中竊字

有二義

曹植詩皓

腕約金環

言此刀藏於穹廡

生風沙漠之表又

寫其狀使我見之

越者蓋將佩此以

別梁鐔

梁生倜儻心不羈

途窮氣蓋長安兒。回頭轉眄似鵬鶚。

有志飛鳴人豈知。

使記魯仲連好奇倜儻之畫策可遷書僕少負不羈之行季善注不

羈言不可羈繫也

更記季布弟季心氣蓋關雖云四十

中師曠禽經驚鳥之

善搏者曰鵟猶女曰鵬雖云四十

無祿位曾與大軍掌

書記抗辭請刃誅部曲作色論兵

犯二帥一言不合龍

額侯擊劒拂衣從此棄

魏文帝典論陳琳阮

此處似終篇語

北齊高昂初生其父以其昂藏教曹故名而字之

瑀之書記今之偽也漢書李廣無部曲口以史記作朝色相矜漢書韓說封龍雒侯師古曰雒字或作顏

朝飲酒黃公壇脫帽露頂爭叫呼庭中憤鼻昔常掛懷

裏琅玕今在無時人見子多落魄共笑狂歌非遠圖忽

然遣躍紫驪馬還是昂藏一丈夫晉書王戎經黃公酒壚世說七月七日北

阮盛晒衣皆紗羅錦綺仲容以竿挂憤鼻憚於中庭人

或怪之答曰未能免俗聊復爾耳山海經崑崙山有琅

玕樹漢書酈食其家貧落魄南史梁武帝幸樂遊苑羊

侃預宴帝賜侃紫驪馬令試之侃執鞘上馬左右擊刺

特盡其妙李泌詩洛陽城頭晚霜白層冰戔戔滿川澤

空作昂藏一丈夫

但聞行路吟新詩不歎舉家無儋石楚詞層冰戔戔飛

朋遺新詩漢書揚雄無儋石之儲莫言貧賤長可欺覆簣成山當有時

雄無儋石之儲

川丁古詩解

結意甚速  
殆言世路

之風波非  
謂其去此

江湖也

莫言富貴長可託木槿朝看暮還落不見古特塞上翁

倚伏由來任天作去去滄波勿復陳五湖三江愁殺人

禮記木槿榮淮南子塞上之人有馬入古人皆弔之其

父曰何遽不為福數月其馬將駿馬歸人皆賀之其父

曰何遽不為禍其子好騎墮而折其髀人皆弔之其父

曰何不遽為福居一年古人入塞近塞之人死者十九

此獨以跛故父子相保老子禍兮福之所倚

福兮禍之所伏史記吳有三江五湖之利

言生雖處窮厄氣猶過人譬之鵬鷖常有飛鳴之志

昔典書記言論侃侃不合則去今乃以縱酒落魄之

故衆共忽之獨不觀其躍馬疾驅固昂藏之士乎且

水霜慘戚之際行歌自得不問有無其志莫可測也

夫窮者時而成顯者忽而落觀塞翁之說則

君不必滅跡滄波而守此江湖之寂寞矣

聽董大彈古笳兼寄語弄房給事

品彙注按唐史  
重庭蘭善鼓琴

為房琯門客天寶五載琯罷給事中此疑贈庭蘭而兼寄次律也

以箏入琴  
琴道壞矣  
詩亦然

蔡女咎造古箏聲一彈一十有八拍古人落淚沾邊草

漢使斷腸對歸客古戍蒼蒼烽火寒大荒陰沉飛雪白

先拂商絃後角羽四郊秋葉驚撼

所革  
切  
撼  
蔡琰傳琰字

十八拍所  
言皆歸後

古騎所獲感箏之音作古箏十人拍播為琴曲吳都賦

語耳傳不  
合

出乎大荒之中曹植賦揚陰沉以溥覆列子鄭師文從

妖精不典  
何可入詩

角弦溫風徐迴草木發榮當夏而叩羽絃霜雪交下川

池暴沍盧諶詩撼撼芳董夫子通神明深松竊聽來妖

精言遲更速皆應手將往復旋如有情空山百鳥散還

合萬里浮雲陰且晴嘶酸雛鴈失羣夜斷絕胡兒戀母



聲川爲淨其波鳥亦罷其鳴鳥珠部落家鄉遠邏音安

音素沙塵哀怨生晉書束先生通神明更記左右多竊聽者陸厥詩君不見孤鷗關外發酸嘶度

楊越晉中興書古俗以部落爲種類唐書薛仁貴爲邏安道總管按邏安吐蕃城名十洲記蘭沙之地沙如細

塵幽音變調忽飄洒長風吹林雨墮无迸泉颯颯飛木

末野鹿呦呦走堂下長安城連東掖垣鳳凰池對青瑣

門高才脫略名與利日夕望君抱琴至江淹賦脫畧公卿

鳴鹿句亦

擬其辭唐

誤解稍易

之

翻茄入琴自文姬始故先狀其曲之悲而後敘董音律之妙感鬼神下飛鳥而過行雲矣復爲雛雁古兒之音而鳥珠之類咸起鄉土之思也及其變調促節則若風雨之森疾水泉之飛洒野獸之和鳴是以給事居清要之職方脫畧名利而望其抱琴來過也瑄以任庭蘭而覆王師竟以罪斥所謂弄者豈有意乎

古從軍行

白首登山望烽火，黃昏飲馬傍交河。行人刀斗風沙暗，公主琵琶幽怨多。野雲萬里無城郭，雨雪紛紛連大漠。古馬哀鳴夜夜飛，古兒眼淚雙雙落。聞道玉門猶被遮，應將性命逐輕車。年年戰骨埋荒外，空見葡萄入漢家。

送陳章甫

四月南風大麥黃，聚花未落桐葉長。青山朝別暮還見，嘶馬出門思舊鄉。陳侯立身何坦蕩，虬鬚虎脊仍大顛。腹中貯書一萬卷，不肯低頭在草莽。東門酤酒飲我曹，心輕萬事如鴻毛。醉臥不知白日暮，有時空望孤雲高。長河浪頭連天黑，津吏停舟渡不得。鄭國遊人未及家，洛陽行子空歎息。聞道故林相識多，罷官昨日今如何。

緩歌行

小來託身攀貴游，傾財破產無所憂。莫擬經過石渠署，朝將出入銅龍樓。結交杜陵輒薄子，謂言可生復可死。一沉一浮會有時，棄我翻然如脫屣。男兒立身須自強，此詩足啟後生。

十年閉戶賴水陽業就功成見明主擊鐘鼎食坐華堂  
二八蛾眉梳墮馬美西清歌曲房下文昌宮中賜錦衣  
長安陌上退朝歸五陵賓從莫敢視三省官僚  
揖者稀早知今日讀書是悔作從來狂俠兒

放歌行答從弟吳卿

小來好文耻學武世上功名不解取雖沾寸祿已後時  
徒欲出身事明主相梁賦詩不及宴長楸走馬誰相數  
斂迹俛翁心自甘高歌擊節聲半苦由是嗟跼一老夫  
養雞收豕東城隅空歌漢代蕭相國肯事霍家馮子都  
徒爾當年聲籍籍濫作詞林兩京客故人斗酒安陵橋  
黃鳥春風洛陽陌吾家令弟才不羈五言破的人共推  
興來逸起如濤湧千里長江歸海時別離短景何蕭索  
佳句相思能間作舉頭遙望  
魯陽山木葉紛紛向人落

令弟本康  
樂  
似言尚未  
晚也

刪訂唐詩解卷九 終